

כשש
**CREOPHAGIAM
ANTE DILUVIUM
LICITAM,**

DISSERTATIONE PHILOLOGICA,
RECTORE MAGNIFICENTISSIMO,
SERENISSIMO PRINCIPE AC DOMINO,
DOMINO

GVILIELMO HENRICO,
DVCE SAXONIAE, JVLIACI, CLIVIAE AC MONTIVM,
NEC NON ANGARIAE ET WESTPHALIAE, ETC.

PRAESIDE

IOH. ANDR. DANZIO,

Sacrarum reliquarumque Orientalium Lingu. Prof. Publ. Facult.
Phil. Seniore, & h. t. Decano,

AD D. XXI. SEPTEMBR. A. MDCCIX.

IN AVDITORIO - THEOLOGICO
defendet

HENRICVS SCHARBAV,
LVBECENSIS.

J E N A E,
LITTERIS MULLERIANIS.

11

58702 (25)



LITTERIS M. L. L. L.

VIRIS.

ILLUSTRIBUS, GENEROSIS,
MAGNIFICIS ATQVE CONSULTISSIMIS

DN. JOHANNI WESTKEN,
DN. SEBASTIANO GERKEN,
DN. THOMÆ DE WICKEDE,
DN. ADOLPH. MATTH. RODDE,

INCLYTÆ ac LIBERÆ
REIPUBLICÆ LUBECENSIIUM
CONSULIBUS GRAVISSIMIS,

PATRIBUS PATRIÆ
VIGILANTISSIMIS,

MÆCENATIBUS SUI GRATIOSIS,
DISQUISITIONEM HANC ACADEMICAM
IN OBSEQUIOSISSIMUM
VENERATIONIS ATQVE OBSERVANTIÆ SUÆ
MONUMENTUM

DEVOTE CONSECRARE DEBUIT,
ILLUSTRIUM VESTRORUM NOMINUM

cultor humillimus

HENRICUS SCHARBAU, Lubec.
):(-

PARIS

LEENSTRAAT, 61 VEROSIS

GENIUS NOSTRIS CONSTITUTIONIS

DR. JOHANNI WESTKEN

DR. SEBASTIANO GELKEN

DR. THOMAS WICKER

DR. ADOLPH MATH. RODE

INCL. 4. LIBRE

REINHEITEN LUBECINUM

CONSILIIUS GRAYISSIMIS

PARIS PATRIE

VIGILANTISSIMIS

MERCENARIUS SU 2 GRATISS

DISPOSITIONEM HANC AD BEMCAM

IN OBTINENDUM

VENERATIONIS AUCTORITATE SUB
MONUMENTUM

DEVOTI CONSESSARE DEBIT

ILLUSTRIUM VESTRORUM NOMINUM

Editor Conscriptum

HENRICUS SCHARRAU, LPOC.




Æsistanti mihi, auderemne præsen-
tem hancce Dissertationem VESTRIS NOMINIBUS inscribere
nec ne; magnum pondus addidit
ratio non una, ad scrupulum
omnem eximendum. Novi equidem, non nisi
magna convenire NOMINIBUS TANTIS,
adeoque Tenuitatis meæ nequicquam nescium
venerari solum ILLA non appellare debuisse.
Sed idem quoque memini: commune esse MAXIMIS INGENIIS, ea, quæ SIBI offeruntur, non
ex ejus, quod offertur dignitate, sed offerentis
sinceritate metiri. Permittite igitur, specimen
hoc meum academicum, auspicato PER-ILLUSTRIUM NOMINUM frontispicio in-
signiri; nec denegate VESTRAM tot docu-
mentis comprobata in studia eorumque
amatores propensionem, specimen hoc mei
quoque in studia affectus exhibituro; cum
constet, vix quicquam æquè carum VOBIS

acceptumque esse posse, quam Juventutis, quæ
 VESTRIS AUSPICIIS floret, conatus proficien-
 di advertere. Venerabundus adeò qualemcun-
 que hanc Dissertationem ad pedes VESTROS.
 Patroni MAXIMI depono: Id humillimè ro-
 gitans, ut quam TANTIS NOMINIBUS pa-
 rum dignam judico, benevolâ tamen mente ex-
 cipere, meque adeò hoc tanti Favoris specimine,
 ad obsequiosissimum VESTRUM cultum, denuò
 adstringere ne dedignemini. Ego autem, licet
 facultate inter subjectissimos cultores VESTROS
 ultimus, nunquam tamen intermittam, ipso ope-
 re ostendere, præter admirationem VESTRA-
 RUM virtutum, humillimamque Dignitatum
 VESTRARUM venerationem, nemini affectu ac
 voluntate me esse secundum. Et si prætereà ni-
 hil possim, id certè efficiam, ut preces ardentis-
 simas pro VESTRA, consiliorumque VESTRO-
 RUM prosperitate ad Deum fundendo osten-
 dum quod sim

PER-ILLUSTRIUM VESTRORUM
 NOMINUM

cliens ac servus humillimus

HENRICUS SCHARBAV.



C A P. I.

Argumentum.

(1.) *Uſus & dignitas præſentis materie.* (2.) *Historica re-
cenſio Scriptorum Judaicorum, hac de materie. Gemara
in Sanhedrin, R. Iſaac Aramah, R. Joſeph Albo, R. Aben-
Eſra, R. Menaffe ben Iſrael &c.* (3.) *Scriptorum Chri-
ſtianorum, Patrum, Juſtini Martyris, Hieronymi, Chry-
ſoſtomi, Theodoret. (4.) deinde Lyrani, Toſtati, Car-
thuſiani, Cajetani, Franc. de Victoria, Dominici de Soto,
Thomæ, Tornielli, Pererii, Saliani. (5.) Voſſii, Rocharti,
Hottingeri, Caſauboni. (6.) Lutheri. (7.) Controverſia
hæc de materie, inter Stephanum Curcellæum, & J. H.
Heideggerum excitata, cum nuperâ deſenſione negati-
væ ſententiæ, & Propositione factâ. (8.) Qualem car-
nem hic intelligamus: & (9.) Quomodo licitum ejus
Uſum defendamus.*

§. I.



Lurimos quidem, perſpecto præſentis Diſſer-
tationis titulo, & exigui uſus & leviuscu-
lam prorsus eam, quam ad manus jam ſu-
mo, materiam judicatuſſe eſſe ſuſpicio,
minimèque dignam, in qua pertractanda
aliquid impendatur temporis. Ego ta-

A

men

men planè aliter persuasus, positam in frontispicio the-
sin, & probandam & vindicandam putavi. Quod sciam,
nec prorsus defuturum esse usum, nec defuisse jam dudum
ex viris maximè doctis, qui suum in hâc materiâ exer-
cuerunt stilum. Quippe non solum hâc occasione lux
accescit variis Scripturæ Sacræ locis, præsertim Genes. I. 29.
& 30. & Genes. III. 17. aliisque: itemque caput de Sacrifi-
ciis antediluvianorum explicatum est: sed distinctio quo-
que in animalia munda & immunda; & caput de Dominio
hominis in bruta, quousque pateat; aliaque, lucem inde
fœnerata sunt plenior. Ut taceam, quod in quæstione
de Esu sanguinis & suffocati, inter viros eruditos agitâtâ, ali-
quem quoque usum præstet. Hinc est, quod hanc quo-
que materiam à tot viris maximi nominis videas pertracta-
tam: ut *Benedictus Pererius* in suis ad Genesin commentariis
Lib. XIV. Disput. I. sub initio, p. m. 368. *celebrem Quæstio-
nem* eam nuncupet. Qui & deinde prolixus admodum
est, in congerendis variorum hâc de quæstione sententiis.
Cumque dignitas præsentis materiæ, non parum constare
poterit; si sciamus, à viris magni nominis eam agitâtâ
fuisse: haud abs re erit, aliquos eorum prius recensere, qui
hanc materiam sibi pertractandam sumserunt, quàm ipsius
rei Tractationem aggrediamur.

§. II. Ut initium faciam à Judæis: illi in Gemara ad *Sanhe-
drin*, prout hæc Joh. Coccejus in Excerptis Gemaræ ad *Sanhe-
drin* cap. VII. §. VII. p. m. 275. exhibet, ad quæstionem hanc,
ita respondent: אמר רב יהודה אמר רב אדם ראשון לא
הותר לו בשר לאכילה דכתיב לכם יהיה לאכלה ולכל
חית הארץ ולא חית הארץ לכם וכשבאו בני נח
התיר להם שני כורק עשב נתתי לכם את כל:

i.e. Dixit R. Jehuda, docuisse Rabum, Adamo primo esus carniū con-
cessus non fuit, quoniam dicitur Gen. I. 29. 30. vobis erit in cibum, & omni
bestiæ. Non autem: bestia, vobis in cibum erit. Postea vero Noachidis
per-

permissus est: q. d. Gen. IX. 3. sicut olus graminis dedi vobis omnia.
 עקרה יצחק , qui in יצחק
 cap. XV. sub finem, fol. m. 47. col. 3. ita differit אחר
 שהזכיר הממשלה הראשונה הצוריית אשר היא
 העקר זכר הממשלה הגופיית אשר היה לספוק
 המזונות ויתר העבודות אשר היא טפלה אליה
 בלי ספק ואמר כל רמש אשר הוא חי לכם
 ולזה לא התיר: Et paulò post: יהיה לאכלה וגו'
 לדורות הראשונות לאכול מבשר הבעלי חיים כי
 לא יחליפנו ולא ימיר אותו בהמה ובהמה ובהמה
 שכן שהיו יותר נשחיתים ונפסדים מבהמות הארץ
 i. e. Et ecce postquam mentionem fecisset dominii prioris, for-
 mae humanae tributi, quod principalius est; mentionem quoque fa-
 cit dominii materiae, vel corpori collatae, quod in sufficientiâ alimen-
 torum, & servitiorum præstantiâ consistit, & absque dubio
 prioris est accessorium: dum dicit Gen. IX. 3. omne reptile, quod
 vivit, vobis erit in cibum. Atque ea propter non concesserat pri-
 maxis hominibus, ut ederent de carne animalium. Nemo enim per-
 mutando dare aut accipere solebat bestiam pro bestiâ: quanto minus,
 quod majus omnino fuisset, interempta fuerint aut occisa. Idem
 docet R. Joseph. Albo in ספר עקרים. Nam non solum
 lib. III. cap. XIV. pro negativâ affert verba majorum suorum
 שהיה אסור לאדם הראשון quod fuerit interdictum primis ho-
 minibus: כי בתחלה לא התיר להם אכילת בעלי חיים: cum in principio non fuerit ipsis permissum edere animalia. Sed
 & deinceps Cap. XV. fol. 77. b. post med. edit. Venetæ, de
 Habele ita loquitur: והכל היה חושב שיש לאדם יחרון
 על הבעלי חיים ואכל חשב שהיתרון הזה
 הוא שיהיה לו ממשלה עליהם ויכבוש אותם
 תחתיו

תחתיו לעשות מלאכתו אבל לא שיהיה מותר
בהריגתו כי לא חשב שיהיה לאדם יתרון על הבעלי חיים

וגו' בזה i. e. Habel fuit in ea opinione, quod homo excelleret
pra animalibus. Sed persuasus erat, excellentiam istam in eo con-
sistere, quod dominium in ea exercent, & possit eadem sibi subji-
cere, quod suum faciant opus: non tamen, quod licitum fuerit, isthaec
occidere. Quoniam non persuasus fuit, eo usque sese extendere
hominis excellentiam super bestias. Ubi idem subjungit: Habe-
lem tamen credidisse, id sibi fuisse licitum, ubi oblationem supremo
Numini constituisset exhibere. Uti hi haecenus omnes non
crediderunt licitum ante diluvium carniem usum: ita
in eadem quoque opinione est R. Aben Esra, qui in
Commentario ad locum Genes. l. 29. 30. inquit:
התיר לבני האדם ולכל שיש בו נפש חיה לאכול
כל עשב וכל פרי עץ מותר לאדם והעשב הירק
לחיות ולכל רמש ועד כה לא התיר הבשר עד

המבול i. e. permisit filiis Adam, & omni in quo est
anima viva, comedere omnem herbam: & omnis quidem fructus
arboris concessus est homini; at herba viridis bestiis, & omni reptili.
Sed hac usque non permisit carnem, nisi post diluvium. Nolo ex
his plura afferre. Audiendus tamen Menasse ben Israel, qui
in Conciliatore suo, quaestione IX. inquit: R. Selomoh, Aben
Esra, R. Moses Girundensis, R. Babye, R. Nissim, Isaac Kary,
Isaac Aramah, Isaac Abravanel, & R. Moses Alschech, qui ad
hunc locum sequuntur opinionem R. Jehudah & Rab in Gemara
Sanhedrin, c. VII. & Raboth, cap. 34. in eo consentiunt: Ada-
mo nefas fuisse, comedere animalia. Qui videri potest plu-
ribus.

§. III. Neque hanc video solum tractatam à Ju-
daeis: sed ejusdem quoque explicationem aggressi sunt è
Christianis plurimi. Jam enim Seculo secundo Justinus
Martyr, (aut quicumque illarum auctor est,) in Responsio-
nibus

nibus ad quasdam Quæstiones Christianas, hanc quæstionem num. 119. proposuit p. m. 471. εἰ μήτε τὰς ἐκ τῶν δένδρων καρπὸς, μήτε τῆς τῶν κρεῶν ἐδωδῆς, οἱ ποτὶ τὰ κατακλυσμῷ μετελάμβανον, καθὼς πινὲς τῶν πατέρων ἐδίδαξαν, πῶς ὁ Ἀβελ ἐκ τῶν σπαύτων τῶν προβάτων, ὧν ἐποίμανε, καὶ ὁ Κάϊν ἐξ ὧν ἐγώργει καρπῶν τῆς γῆς, ὁμοίως προσέφερε &c. i. e. *Sinec arborum fructibus, nec animalium carnibus vescerentur, qui fuerunt ante diluvium, ut nonnulli patrum dixerunt; quid sit, ut Abel ex adipibus ovium, quas pascebat, itemque Cain ex fructibus terra, quam colebat, libaverit? Et in responsione ait: non esse credendum, obtulisse eos talia, qualia ipsis fuerint inutilia. Et de Abele concludit, nec eum ita gregem pavisse, ut de ipso non comederit, (iuxta illud 1. Cor. IX. v. 7. quis pascit gregem, & de lacte gregis non comedit?) Exponit quoque idem suam sententiam in Dialogo cum Tryphone p. m. 237. Contrariam huic opinionem fovet, referente Saliano Eccles. anal. p. 156. ad annum Mundi 1657. B. Hieronymus contra Jovinianum lib. 1. *Esom carniū usque ad diluvium ignotum, fuisse: post diluvium verò, quasi in Eremito murmuranti populo. coturnices, ita dentibus nostris nervos & virulentias carnis ingestas.* Etiam B. Chrysostomus in Homiliis suis in Genesin, passim hanc materiam sibi sumit pertractandam: infra ideò sæpius allegandus. Sed quem penè omiseram Theodoretus quæstion. LV. in Genesin pag. 44. edit. Paris. cum hanc Quæstionem movisset. Διατί δὲ ὁλως τὴν κρεωφαγίαν ἐνομοθέτησεν; cur DEUS planè de carnibus edendis legem tulerit? Respondet: *Mox ubi creasset hominem DEUS, dedit ei terræ fructus, --- post diluvium autem majores illi delicias largitur; jubens occidere animalia, volatilia, natalitia & terrestria. Videlicet affectum repellens affectu, & leviori curans graviores. Prævidens enim DEUS, homines, in extremam dementiam lapsos, hæc omnia pro diis habituros; permisit illorum esum, ut impietatem illorum cohiberet. Summa enim est insania, adorare quod comeditur. Ut videatur hic adeò statuisse, esum carniū ante diluvium pro-**

hibitum, divinâ permittente bonitate, factum esse licitum.

§. IV. Post hæc tempora, eadem quæstio, ferente, sic occasione, à plurimis agitata fuit. Superfedeo recensere sententias *Lyrani*, *Tostati*, *Carthusiani*, in commentariis suis expositas, & à *Saliano*, item & *Pererio* productas; affirmantium, *esum carniū nec fuisse in usu ante diluvium, nec licitum.* quod DEUS post diluvium, Noacho & filiis ejus carniū usum concesserit. Taceo ab iisdem productum *Cajetanum*, qui pluribus probat sententiam, *licitum fuisse carniū esum*: *Franciscum de Victoria* in Relectionibus de Temperantia, idem asserentem: *Dominicum de Soto*, *Thomam Torniellum* atque alios. Ipsum *Pererium* potius audire juvat. Qui Commentariorum in Genesin Lib. XIV. Disp. 1. p. 369. sententiam suam proponit. Quod, *quamvis licitus fuerit carniū esus ante diluvium*, (unde nec DEUS post diluvium esum carniū indulgendo, ex illicito licitum fecisse; sed significasse, tunc incepisse ejus indigentiam, propter infirmam hominis valerudinem, terræ malignitatem, & invalidam eorum vim, quæ è terra nascuntur): *tamen*, cum propter excellentem terræ bonitatem, & vim alimenti præstantem, & firmisimum humani corporis temperamentum, *victus ex plantis homini alendo suffecisset*, & cum iste cibus saluberrimus, jucundissimus, & nullo labore parabilis esset; *verosimillimum esse*, eo tantum cibo viros bonos uti voluisse. In eo, quod licitus fuerit carniū esus, conspirat cum isto *Jacobus Salianus* in annalibus Ecclesiasticis V.T. ad annum mund. 1657. num. XV. p. m. 155. seq. Qui in hac quæstione solvenda, quatuor Propositiones ponit, easque probat. Ima est, *nunquam in lege naturæ, sive ante diluvium, sive post, esum carniū prohibitum fuisse*; ac ne divinam quidem legem id unquam prohibuisse. 2da, *nunquam præceptum esse homini, hujusmodi cibum*; sed *permissum*, & quidem *tacitè ante diluvium*; à diluvio vero aperte. 3tia, *non esse credibile, homines vulgò à car-*
nibus

nibus ante diluvium abstinuisse. 4ta est, Et probabile esse, nec justos ante diluvium à carnibus abstinuisse.

§. V. Eandem quoque materiam tangit Job. G. Vos-
sius de Orig. & Progressu Idololatriæ, Lib. III. cap.
LXV. p. 1074. qui, postquam argumenta, tam pro negativa
quam affirmativa sententia, adduxerat, inquit: *videntur*
sententiæ hæc due sic commodè conciliari posse, si dicatur: quicquid
sit de stirpe Caini, Sethi saltem familiæ ordinarium fuisse cibum,
cum è lacte tum è plantis; sed contra ordinem carnes edisse
in sacrificiis. Et provocat ibi ad consensum Francisci Junii.
Licitam fuisse creophagiam docet quoque Samuel Bochartus in
Hierez. Lib. I. cap. II. p. m. II. Sacrificiorum usus, inquit, cum
sit diluvio antiquior, idem nobis de pecudum esu persuasum; con-
tra quam multi sentiunt. Neque enim Abel in Sacrificio
obtulisset DEO, quod vesci nefas credidisset: & frustra pa-
visset agnos, quibus non licuisset uti. Quin ipsa distin-
ctio animalium in munda & immunda, docet, alia permis-
sa fuisse, alia prohibita. Neque enim in animalibus quicquam
sua natura immundum; sed immundum id est ex Lege, cu-
jus usus interdicitur &c. Affinia hisce sunt, quæ habet
J. H. Hottingerus in Historia Creationis, Quæst. XCV. p. 307.
Nam post allata ex utrâque parte argumenta, asserit, (1.)
nullam dari posse rationem, quæ edendi licentiam aut fa-
cultatem tollat: (2.) abstinuisse tamen aliquòusque, valdè esse ve-
risimile. (3.) naturæ tamen arbitrio hoc tribuendum, non
religionis exercitio. In contrariam ex adverso sententiam
labi videtur Isaacus Casaubonus, in Animadversionibus suis
ad Athenæi Diphnosophistw libros, (quos instructissimum
penu Criticæ eruditionis, summo jure vocat Morhofius, Poly-
hist. Tom I. Lib. V. c. I. n. 14.) p. m. 35. ad lib. I. Athe-
næi cap. XI. satis inquit, constat, tam ex sacris, quam aliis ti-
teris, primis temporibus, ignotâ hominibus carniû manducatione,
tantiq. in honorem Numinis mactari solitas hostias.

§. VI. Ex nostratibus unicum affero B. Lutherum, qui ad caput IX. comment. in Genesin, fol. CXLII. inquit: *Etsi post conditam creaturam, omnia animalia homini subdita sint; tamen non legimus, bestias sic timuisse & fugisse hominem, sicut hoc in loco Moses testatur.* Causa autem est, quod haecenus animalia non fuerunt morti destinata, ut essent cibus homini; sed fuit homo tanquam civilis Dominus bestiarum, non fuit occisor aut vorator.

§. VII. Sed, quæ res haecenus liberè in utramque partem disputabatur; in controversiam demum venit inter Stephanum Curcellæum, & Johannem Henricum Heideggerum. Cum hic J. H. Heideggerus, in tractatu anno 1662. Amstelodami in 8vo edito, de libertate Christianorum à lege cibariâ veterum, de sanguine & suffocato, cap. in primis II. & III. & pag. 15. omnino licitum, & in usum productum carniû esum assereret. At contrarium antea defenderat jam citatus Steph. Curcellæus, in Diatribe, de esu sanguinis inter Christianos. Scilicet cap. I. ex eo, quod (1.) DEUS, ubi homini de alimento Genes. 1. 29. 30. prospicere voluerit, nullam prorsus carniû animantium fecerit mentionem. (2.) quod non convenisset excellentiæ, in quâ homo fuit conditus. (3.) quod videamus infantium, in quibus se natura ostendit, propensionem: & quæ alia ejus generis argumenta sunt. Capite deinde II do, quod idem nefas homini fuerit, statim post peccati in mundum ingressum. & Capite III tio, ubi responsionem exhibuerat ad objectiones eorum, qui putarent, carniû esum ante diluvium fuisse permissum. Verum, cum quis Vindicias adversus Heideggerum, pro Curcellæi sententia composuisset; *apologeticam* denuo *exercitationem* exhibuit Heideggerus, quæ est Exercitatio XV. Part. I. in ipsius מִלְחָמָה, seu Historia sacra Patriarcharum, à pag. 390. ad 430. Ex quibus ut quædam repetamus, nostri instituti ratio vix permittit. Cumque denuo ante aliquot annos, negativa sententia in observatione

tionem aliquam, (vom Fleisch - Essen) in scenam producta fuerit: argumentum putavimus satis idoneum, in quò aliquid impenderemus temporis, ostendendo contrarium, scilicet: *licitum fuisse hominibus ante diluvium carnes comedere.*

§. VIII. Illud autem præmonendum necessum esse videtur, ejusmodi generis carnes à nobis intelligi, quæ & ad cibum essent idoneæ; & quæ, ne in cibum adhiberentur, communi forsan usu non erant rejectæ. Alias enim carnes, aliis magis minusve ad cibum esse accommodatas, & ipsi satis novimus: & docuit idem *Gerhardus Joh. Vossius*, de Origine & Progressu Idololatriæ, Lib. III. cap. LXV. p. m. 1073. sq. Unde & est, quod *Athenagoras* Philosophus Christianus, in tractatu de Resurrectione mortuorum, quædam animantia vocat *πρὸς τὴν ἀνθρώποις σπιτήδεια*, i. e. *hominibus ad cibum idonea.* Neque improbabile prorsus est, observatum inde *discrimen* fuisse jam ante diluvium, *animalium mundorum & immundorum*: quod illorum receptus esset in cibum usus; horum vero communi usu recepta averfatio. Quod infra plurium testimoniis illustratum dabimus. Nam eò non procedimus audaciæ, ut vel promiscuum ipsis vindicemus carniū esum, vel Thyestea quoque convivia. Qualia deinceps, ab hæreticis variis celebrata, passim reperiuntur: sed ita, ut merito credamus, commentitia hæc esse, quæ de hæreticorum ἀνθρώποφαγία circumferuntur, & vulgi fabulas. Videmus enim, plerosque ex Patribus, non dubitare modo hujus de rei veritate; sed ita quoque loqui, ut fidem huic planè derogent. Certè *Justinus Martyr*, ubi in Apologia II. pro Christianis, p. m. 70. (ed. a. 1686.) *Simonis Menandri* alicujus, & *Marcionis*, Hæreticorum mentionem fecerat, addit: εἰ δὲ καὶ τὰ δύσφημα ἐκείνα μυθολογούμενα ἔργα πράττῃσι, λυχνίας μὲν ἀνατρεπὴν, καὶ τὰς ἀνέδην μίξεις, καὶ ἀνθρώπων σαρκῶν βορρὰς, & γινώσκουμεν, i. e. *an verò etiam infamia illa, & fabulosis in vulgus sparsa sermonibus facinora, in se admittant, lucernæ eversionem, & promiscuos concubitus, & hu-*

manarum carniū esus, nescimus. Ubi satis apparet, Justinum dubitasse, annon commentitia essent, quæ de hæreticorum sibi συγχέων ἀνθρώπων φασία, in vulgus spargebantur: imò pro μυθολογούμενοις habuisse. Vid. quæ plura hâc de re ex Tertulliani Apol. Cap. VII. II. & Minutiô Felice, & Hieronymô Epist. LIV. ad Marcell. Philastrio hæres. XLIX. aliisque, refert *Christianus Kortholt*, in suo ad *Justinum Martyrem* commentario, p. m. 17. ad l. c. *Justini*. Ubi ulterius provocat ad suum tractatum, de vita & moribus Christianorum primævis, per Gentilium malitiam afflictis, cap. IX. 4. sq. Multò magis id certum est, calumnias inimicorum Christiani nominis fuisse, quæ de primorum Christianorum ἀνθρώπων φασία circumferebantur. Pro quorum innocentia, acriter pugnant, tum *Augustinus* Lib. XII. de Civitate Dei, cap. LIII. *Eusebius* Histor. Eccl. passim, tum *Justinus Martyr* apol. i. pro Christianis p. m. 37. sq. Talia convivia igitur, quæ semper detestationi fuerunt omnibus, rejicimus potius, quàm ut licita defendamus; cum *carnem iis vindicemus & idoneam, & communi forsan usu receptam.* Etsi non desint, qui ne ab hac quidem impios ante-diluvianos sibi temperasse asserant: ut ex Beroso retulisse Cajetanum, narrat *Salianus*, in annal. Eccles. ad ann. mundi 1657. pag. 116. n. XXII. Ubi & *Eusebium* non alienum ab hâc sententiâ fuisse, asserit.

§. IX. Commodarum igitur carniū esum, an licitè admittere potuerint ante-diluviani, quæritur? Equidem, qui de ἀνθρώπων φασία scripserunt ante-diluvianorum, ut ex superioribus constare potest, in duas discedunt classes. Alii enim quærunt: *an isthac actu fuerit exercita?* seu: an ante diluvium carnes comestæ fuerint? Alii vero de licentiâ tantum quærunt, an eam habuerint in carnibus comedendis? seu: an licitum ipsis fuerit carnes comedere? Nos equidem priorem quæstionem intactam relinquimus, neque argu-

argumentis pro actuali comestione pugnantis utemur; nisi in quantum exinde *Jus comedendi* constare poterit. Neque enim male me ratiocinaturum esse credo, si ita concludam: *Viri ante diluvium licite carnibus usi fuerunt; E. licitus fuit viris ante-diluvium carniū esus.* Ad posteriorem autem quæstionem ita respondebimus, ut affirmativam teneamus, respondendo: *Licetum fuisse ante diluvium carniū esum.*

§. X. Quamvis autem explicatione vix indigere credamus terminum *liciti*; cum quilibet, eo audito, concipiat *Potestatem aliquid agendi Legibus concessam*, aut *relictam*. Monendum tamen est, vocabulum hoc nequaquam in eo significato à nobis accipi, ut id solum notet, quod hominum pœnæ non subiacet: etsi non admitti possit salvâ pietate, & officiorum regulis. Uti quibusdam populis impunè licebat furari. Quam quidem vocis significationem minus propriam esse, receptam tamen, ex Cicerone docet *Hugo Grotius* Lib. III. c. 4. §. 2. n. 2. de J. B. & P. Quæ vero aliæ vocis *liciti* significationes esse possint, quales l. c. affert H. Grotius, & qui ipsum commentariis illustrarunt, repetere hic non vacat. Sufficit enim notasse, mentem nostram eò redire, ut doceamus: *Viros antediluvianos potestatem habuisse, lege sibi concessam aut relictam, carnibus vescendi.* Ut vel inde adeo pateat, quod, etsi non expressis literis concessa reperitur ante diluvium comestio carnis, uti post diluvium concedebatur; nihilominus tamen ex aliis argumentis, eadem satis firmiter concludatur. Cum circa isthæc libertate me gaudere, credendum sit, circa quæ lex impedimentum mihi non ponit: nec adeo necesse videatur, expressè in legibus aliqua permittere, quorum licentia ex absentia interdicti, satis apertè colligitur.

CAP. II.

Argumentum.

(1.) Primum argumentum, ex licitō post diluvium carniū
 esu; petiū. (2.) Indorum modernorum de esu carniū
 opinio. (3.) diversae opiniones de abstinentiā à carne Py-
 thagorae, & causā hujus incertitudinis. (4.) vera Pytha-
 goraeorum sententia proponitur. (5.) discrimen observa-
 batur ratione Subjecti: (6.) ratione objecti: (7.) ratione
 Temporis. (8.) An Paupertas fuerit causa istius absti-
 nentiae? (9.) an credita à Pythagoricis μετὰ ψυχῶσι
 causa fuerit? (10.) Quantum valeat argumentum de non
 offerendis in sacrificium animalibus? & alia. (11.) Argu-
 menta pro licitō carniū esu; (12.) & licitā animalium
 caede. (13.) Unde concluditur: pro licitō ante diluvium
 carniū esu. (14.) Argumentum secundum, ex Dominio
 hominis in animalia. Ubi hominis prae reliquis creaturis
 praestantia, & inde ad dominandum aptitudo, exponitur.
 (15.) quod ipsi etiam à DEO concessum. (16.) In quo
 istud constiterit, & quomodo inde fluat licentia animali-
 bus vescendi? variis argumentis ostenditur. (17.) An istud
 dominium totam imaginem Dei absolverit? Et, num domi-
 nium in sola nominum impositione, accessuque animalium
 ad Adamum constituisse, dici poterit? & quomodo hoc do-
 minium non concedat aliquem abusum? (18.) Argumen-
 tum tertium, ex observata inter bestias differentiā. Qua-
 rum prima est, inter cicures & ferās: (19.) secunda, in-
 ter pingues & minus pingues: (20.) tertia, inter mun-
 das & immundas. (21.) Argumentum quartum, ex ritu
 Sacrificandi, seu Sacrificiis ante-diluvianorum desum-
 tum. (22.) Alia praeterea argumenta brevibus indicata.

Nostram igitur mentem proposituri, *primum argumentum* inde sumemus: quod omnino hodie liceat carnibus vesci; indèque pateat, idem etiam ante diluvium licuisse. In quo quidem argumento pertractando, eò erimus prolixiores; quò majores hæc quæstio Moralitis & Juris naturæ peritis strepitus dedit: & quò major argumentorum vis tum ex parte negantium, tum ex parte affirmantium allata fuit. vid. *Puffendorff*. lib. IV. cap. III. 4. sq. *Seldenus de Jure N. & G.* ex mente *Ebræor.* lib. VII. c. I. & *H. Grotius* in annot. ad *Genesim* passim. Quodque, ubi evictum illud fuerit, non adversari Juris Naturæ regulis istum carniæ esum, hisce temporibus, non levi argumento demonstraverim, neque ante diluvium, id lege divinâ æternâ & immutabili fuisse vetitum. Nequaquam enim id DEUS post diluvium fuisset concessurus, quod ante istud, per Naturæ legem fuerat prohibitum: cum nemini ignota sit legis naturæ immutabilitas. Præsertim cum nec lege scriptâ iste carniæ esus ullibi deprehendatur interdictus. Ut adeò, cum credam, materiam nostræ quæstionis lucem inde foeneraturam esse non exiguam, non inutile erit, in hoc argumentò deducendò paululum esse prolixiores.

§. II.. Multi equidem adhuc dum sunt inter remotos Indiarum populos, quibus hæc menti infixæ est opinio: grande se committere piaculum, si carnes comedere audent, uti, juxta *Dn. Puffendorffium*, docet *Abrab. Rogerius de Brachmanibus*. Enimvero cum non adeò certi reddi queamus, quanam vera sit illorum sententia: cumque non adeò rationibus nitantur, quam merâ consuetudine: hosce ut suò abundare patiamur genio, necessum est. Credibile tamen est, cum admodum illis sit in pretio metempsychosis Pythagorica, eos etiam hanc de abstinentiâ à carne opinionem

opinionem Pythagoræis acceptam ferre debere. Istos igitur fontes aggrediemur, ex quibus profluxerit hæc opinio: Pythagoræorum scilicet indagabimus consuetudinem; ut, quibus demum istæc nisa fuerit fundamentis, ubi constet, quid in eâ sive laudandum sit, sive rejiciendum, exhibeamus.

§. III. Et ne quid istis falsi affingamus, expedienda hic in antecessum est quaestio: *An Pythagoras, & qui illum sequebantur, carnibus animalium abstinuerint?* Simpliciter hoc affirmare videtur Laertius, in *Pythagora*, Lib. VIII. Segm. 12. p. m. 498. Nam, postquam de eô ex tertio commentationum *Phavorini* dixisset: λέγειται δὲ καὶ πρῶτον ἡρέασιν ἀσκήσαι ἀθλητάς. καὶ πρῶτον γε Εὐρυμένην, τῶν πλεονεχέων ἰσχυρῶς καὶ τυχεῖς ὕπερ ὅσων σωμασκήνων αὐτῆς, i. e. Fertur vero & primus carnibus athletas exercuisse, primumque Eurymenem, antea caricis & mollibus caseis corpora nutrire solitos; maluit hoc ad alium quendam ejusdem nominis Pythagoram, ἀλείπην τινα aliptem quendam transferre: (In quo etiam, teste *Ægid. Menagio* in notis, consentientem habet *Porphyrium* & *Jamblichum*,) quàm ut de hōc nostrō Pythagorâ Samio id dictum esse, admittat. Ob hanc potissimum rationem, quam addit: τῶν γὰρ καὶ τὸ φρονέειν ἀπορρέειν, μὴ ὅτι γε ἀπὸ τῶν ζώων, κοινὸν δίκαιον ἡμῖν ἐχόντων ψυχῆς, i. e. Hunc enim vel occidere vetuisse: tantum abest, ut animantia gustari vellet, commune nobiscum jus habentia anima. Quod idem etiam sentire *Jamblichum*, patet ex iis, quæ *Joh. Schefferus* de nat. & constitutione *Philos. Pythag.* adducit, ex lib. illius i. c. 34. Πυθαγόρειοι τῶν ἐμψύχων ἀπέχοντο, ὅτι τὰ τοιαῦτα τῶν βρωμάτων παχύνει τὸν νῆν, πλεονεχέστερα ὄντα, καὶ πολλὴν ἀνάδοσιν ποιεῖν. i. e. Pythagoræi animatis abstinebant, quod hujusmodi cibi mentem reddant crassiores: eò quod nimium nutrimenti ac digestionis præbeant. Et eodem fundamento niti, haud improbabile est. Quod *Gryllus Ulyssi* objicit, apud *Plutarchum* in *Tractatu*, quod bruta animalia ratione utantur, Tom. II. oper. p. m. 991. (verba istius ex versione *Guil.*

Enil. Xylandri ita se habent:) Homo gula studio ad omnia se fertens, omnia tentans, omnia gustans: ut sui & naturæ ipsius convenientis ignarus etiamnum nutrimenti, solus inter omnia animalia carnibus vescitur. Primum utitur carnibus, nullâ cogente inopiâ, nulla penuriâ: cum liceat ei quovis tempore alios è seminibus & plantis decerpere cibos, multitudine nunquam defuturâ. Sed luxuriâ, & satietate necessariorum, alienas & pollutas cædibus animalium escas sectatur; immanitate etiam savissimas vincens feras. Sanguis enim & cædes ac carnes milvo, lupo, draconi conveniens sunt cibis; homini autem obsonium. Taceam alios, quos citat Job. Schefferus l. c. cap. XIV. p. 145. Non autem hæc adeo sunt extra controversiam, ut concedere necessum habeamus omnia. Neque enim rationes Pythagoræorum additæ id evincunt: de quibus deinceps videbimus. Imò contrarium docent tot magnorum virorum testimonia. Adeo ut Aristoxenus etiam aliquis, in vita Pythagoræ, expressè asseruerit, quod ex Athenæi lib. X. c. 4. refert Job. Jonsius, de Scriptoribus Historiæ Philosophicæ, lib. I. cap. XIV. p. 74. quod ἐκ ἀπείχῃ σφαψύχων, non abstinuerit animatis. Et Diog. Laërtius ex eodem Aristoxeno refert, cuncta illum animata in cibum permisisse, bove aratore & ariete exceptis. vid. l. c. Segm. 20. p. m. 505. Causam si quæfiveris hujus incertitudinis & inconstantiae autorum, respondebit facile pro nobis ex Aristoxeno, Diog. Laërtius l. c. p. m. 501. frequenter Pythagoræis in ore fuisse: ὡς εἶναι πᾶσι πᾶν/ας πᾶν/α πᾶν/α, i. e. non omnibus pandenda esse omnia.

§. IV. Enimvero ut dicamus, quæ vera Pythagoræorum (neque enim attendimus hic discrimen, quod alii inter Pythagoræos, Pythagoricos, & Pythagoristas observatum annotarunt, uti ex Suida & Jamblichō docuit Ægid. Menagius in not: ad Laërtii lib. VIII. Segm. 30.) fuerit sententia. Neque admittenda sunt ea omnia, quæ de iis dicuntur, quod carnibus in universum abstinuerint: neque ea quoque, quæ de iis dicuntur, quod quascunque carnes, absque

absque omni selectu in cibum adhibuerint. Sed temperabant illarum usum, tum ratione *subjecti*, tum ratione *objecti*, tum ratione *Temporis*.

§. V. Scilicet ratione *Subjecti* magnum omnino observabatur discrimen, ut non æquè permessa esset *πρωφασία* omnibus. Nam prout maxima erat discipulorum Pythagoræ diversitas, quod *Schefferus* l. c. cap. XI. per totum docet: ita & diversitas observabatur in eo, ut, quem aliis licitum concedebant carnum esum, eum aliis minus concederent. Unde est, quod, cum *Porphyrus* in quatuor libris de abstinentia, seu de non necandis ad epulandum animalibus, indicare vellet, ad quos præcipuè hæc omnia dirigeret, p. m. 50. ex edit. F. de Fogerolles dicat: *πρῶτον μὲν ἰστέον, ὡς ἔστι παντὶ τῷ βίῳ τῶν ἀνθρώπων ὁ λόγος μὲν τὴν παρέρεισιν οἴσεται. ἔτε γὰρ τοῖς τὰς βαναύσους τέχνας μετερχομένοις, ἔτ' ἀθληταῖς σωμαμάτων, ἔστρατιώταις, ἔναύταις, ἔρήτορσιν, ἔ τοῖς τὸν πραγματικὸν βίον ἐπανελομένοις, &c.* i. e. Primum igitur sciendum, non esse mei instituti, ex æquo omnibus in hac vitâ persuadere. Neque enim quæstuariis operarum opificibus: neque certaminum exercitio gaudentibus: neque rei militaris studiosis: neque nautici periculi expertis: neque facultatis oratorie peritis: neque humanis negotiis occupatis, scilicet persuadere conabimur. Et addit: *ἀνθρώπων δὲ λελογισμένῳ &c.* quæ ex versione citati autoris sic se habent: Solum enim virum bonum, scientem & industrium illa requirit, quique noverit, quando, & unde, quove illi progrediendum; quoties alternantibus vitæ hujus cursum objectis, vivendi modum, aut aliud ex officio eligere sibi proponit. *ἔδεν' ἂν πρὸς τὰς ἀλλὰς, ἢ τοῖς τὰς γυμνασίου ἂν, huic inquam, & non aliis, adversus quos ne hiscere quidem vellem.* Neque obscure idem innuit *Porphyrus* l. c. p. m. 102. ubi in refutatione objectionis, carnes & earum esum valetudini admodum esse convenientem, & corpora vegetiora reddere, quam pag. 34. adduxerat, inquit (verba ipsa latina ex edit. c. Lugduni 1620, apponam:) *Quod si ad Milonis robur inanimata parum conferunt,*

runt, neque omnino ad partium amplificationem aut virium incensionem profunt, meminisse juvabit, neque corporis robore, neque partium amplificatione, opus esse Philosopho, qui rerum contemplationi, non cupidiae aut libidini animum adhibet. Et colligere idem licet ex eo, quod p. m. 105. dicat: Τηρεῖν τε καὶ τὴν ὑγίαν, ὃ Φόβω θανάτου, ἀλλ' ἐνεκα τῶ μὴ ἐμποδίζεσθαι πρὸς τὰ ἀγαθὰ, τὰ ἐκ τῆς ἰατρίας, i. e. conservare autem oportet valetudinem, non metu mortis; sed ne impediamur in bonis, quae ex rerum contemplatione accedunt. Scilicet illis praecipue hanc commendatam volebat abstinentiam, qui ἰατρῶν ἱκανοὶ dicebantur, & quorum finis esset contemplatio. Licet nec improbabile sit, quod Schefferus l. c. ex Jamblicho docet: Legumlatoribus quoque idem fuisse praeceptum. Ita tamen, ut nec improbare, si etiam reliqui idem observarent, sive βέβηλοι essent sive ἰατροὶ. Cum utile in universum esse statueret: nullas carnes comedisse.

§. VI. Sed enim quamvis concederetur aliquibus carniū esus; non id tamen de omnibus promiscue est accipiendum: sed discrimen quoque observari volebant ratione objecti, seu illius, quod comedendum erat. Nimirum inter animata, piscium usus interdictus erat omnibus: & vesci iisdem, res erat haudquicquam defendenda: quantum quidem ex Plutarcho nobis constat. Qui Symposiacōn lib. VIII. quaestionem hanc ponit octavam, p. m. 728. Quare Pythagorici animalium maxime pisces pro cibo sint averfati? Nam mediocriter reliqua animalia & mactasse ait, & comedisse; sed piscem vel gustare detrectasse. Imò adeo detrectasse, si Theoni grammatico, quem ibi loquentem introducit, fides habenda; ut hinc & Salia averfati fuerint, ad imitationem Sacerdotum Aegyptiorum: ne vel cibum vel condimentum mari vicinum, ceu piscium receptaculo, usurparent. Et paulo post p. 730. B. Unde Pythagorici ἡκιστα τῶν ὀψων ἐχρῶντο τοῖς ἰχθύσιν, ἢ τὸ πᾶν ἐκ ἐχρῶντο, i. e. minime, aut omnino nequaquam piscibus usi sunt pro cibo. Quae causa etiam est, quod

C

Pytha-

Pythagoras, redemptis piscium capturis, eos dimitti jusserit. Quod idem *Plutarchus* refert in suo, de capienda ex hostibus utilitate, libello, p. m. 91. *Diogenes Laërtius* tamen in Pythagora, Segm. 20. marinis σπαρίσας, seu raro ipsum usum fuisse, docet ex *Aristotele*. Præcipue vero detestabatur Erythino vesci & Melanuro. Quod & ex *Jamblich*o confirmat *Menagius*, ad istum locum. Modo id non symbolicè accipiendum, prout id ipsum explicatur à *Plutarcho*, in libello de puerorum institutione. Inter terrestria, averfabatur maximè eadem animalium mansuetorum, & non ferorum. Παντός ἡμέτερος ζωὴς Φόνον ἀπηγόρευε, maximè non feri animalis eade interdixit: & inter istæc, eade potissimum Tauri & arietis. Quod *Aristoxenus* apud *Laërtium* fatetur, l. c. licet omnia reliqua animalia, in cibum ipsum concessisse, dicat. Et quidem de Tauro idem docet *Ovidius*: ubi Pythagoram de boum mactatione ita introducit loquentem, *Metamorph. lib. XV. vers. 120. sqq.*

*Quid meruere boves, animal sine fraude dolisque
Innocuum, simplex, natum tolerare labores?
Immemor est demum, nec frugum munere dignus,
Qui potuit, curvi dempto modo pondere aratri,
Ruricolam mactare suum: qui trita labore
Illa, quibus toties durum renovaverat arvom,
Tot dederat messes; percussit colla securi.*

Unde & gladius dicitur malignus, quo primus taurus confossus est, *Plutarcho* in versibus, quos *Orat. II. de esu carnis* adducit:

Οἱ πρῶτοι κακοεργὸν ἐχαλκίυσαντο μάχαιραν
Εἰσοδὴν, πρῶτον δὲ βοῶν ἐπέσσαν δροτήων. i. e.
*Qui primum gladios duxere ex are malignos,
Primi & aratoris gustarunt viscera Tauri.*

Et habuit Pythagoras in hoc consentientes, non Athenienses modo, sed & Romanos. Porculis contra minutulis, & ladiis tenerioribus usum fuisse eum, docet, ex *Aristoxeno*

Laërtius l. c. & *Gellius* in N. A. lib. IV. c. XI. Prout & ex II. cc. discimus, quod abstinerit & carne suffocatorum, & animalium immundorum, ut & quæ Diis Sacra erant: nisi quod partem Sacrificiorum ipse Pythagoras absumpsisse dicatur. Quæ omnia illustrari possent ulterius, nisi jam idem quoque præstitisset *J. Schefferus*, l. c. cap. XI.

§. VII. Denique & illud observandum: Pythagoram cum suis affectis, non omni tempore æquè iis abstinuisse. Nam, prout de vino docet *Laërtius*, Lib. IIX. Segm. 19. quod interdum istud gustare non solitus fuerit; ita & ὀψόν τε τὰ πολλὰ λαχάνους ἐφθόγης καὶ ὠμῶν, obsonium ipsi erant ut plurimum, cruda vel elixa olera. Et ex *Jamblicho* docet *Schefferus* l. c. p. m. 147. qui dicat de animalibus aliàs permisfis: καὶ τοῖς χέρον τιὰ ὥρζε τῆς ἀποχῆς ὀρσούμενον, i. e. etiam his definit certum tempus, quo abstinere iis deberent.

§. VIII. Inquisivimus adeò hætenus in veram Pythagoricorum mentem: ut constaret, quantopere vel concederent animalia, vel averfarentur. Et id quidem certum est, quod, quamvis non omnes, neque omni tempore, ab esu carniū abstinerint; laude tamen dignam prædicarint, eorum continentiam, qui eum detestarentur penitus. Unde adeò promptius ferre licebit Judicium de causis, quas pro abstinentia animalium subinde afferebant. Equidem vix fidem adhibere licebit iis, qui paupertatem & inopiam causam istius abstinentiæ allegarunt, dicentibus: Eosdem carnes omninò adhibituros fuisse, modò facultatem habuissent, eas acquirendi. Unde patet, merò insectandi studiò agitatum fuisse *Aristophanem Rhodium*, qui hanc abstinentiæ Pythagoricæ causam affert. Ejus verba, ex comœdia, quam *πυθαγορεῖς* inscripsit, *Athenæo* IV. 17. citata, adducit *Joh. Jonsius*, de Scriptoribus Historiæ Philos. lib. I. cap. 6. p. 30. Quæ ex *Jonsio* latine apponam: Quid, per Deos! censemus, eos, qui olim Pythagorici fuere, spontè, reverà, sordibus squaluisse, vestesque laceras gestasse libenter? horum mihi videtur

nihil. Sed adductos necessitate. cum illis deessent omnia, Frugalitatis pulchrâ quâdam inventâ specie, Sumtus utilem finem præfixisse pauperibus. Nam, appositâ illis carne vel pisce, Nisi suos etiam digitos abliguriant, E cruce volo pendere decies. At vel hæc ipsa comprobant, parum â vero aberrasse Plinium, Hist. nat. XXI. 6. citante Jonsio, qui istum Aristophanem, exagitatore[m] atque insectatorem acerrimum vocat Philosophorum.

§. IX. Enimvero hoc extra controversiam esse videtur: argumentum ex capite metempsychoseos desumptum, maximè eosdem strinxisse. Nam quod transmigrationem aliquam animarum statuerint, scimus: & ex ipsa, quam de se Pythagoras retulit, Historiâ cognoscimus. Scilicet se fuisse Æthalidem, & Mercurii filium habitum: deinde Euphorbum: post Euphorbi vero obitum, ingressam in Hermotimum esse ipsius animam: exinde migrasse in Pyrrhum, piscatorem Delium: ex quo tandem in ipsum Pythagoram transiverit. Quod fufius recenset ex *Heracleide Pontico* Diog. Laërtius in Pythagora, §. 4. 5. Et rationem, cur illi soli hæc non exciderint, cum idem nulli aliàs mortalium constet, subjungit: Æthalidem scilicet, in quo primitus fuerit ista anima, â Mercurio monitum, ut peteret præter immortalitatem, quicquid vellet; petisse, ut vivens & vitâ functus, omnium quæ contingerent, memoriam reservaret. Quam eandem etiam historiam innuit *Ovidius* lib. *Metamorph.* XV. v. 160. sqq. ubi Pythagoram ita differentem exhibet:

Ipse ego, (nam memini,) Trojani tempore belli
Panthoides Euphorbus eram &c.

Et, ut *Aldobrandinus* in notis ad Pythagoram *Diogenis Laërtii* docet, etiam *S. Hieronymus* in apologia ad Rufinum, idem recenset; ut tamen in aliquibus ab hac *Laërtii* recensione, dissentiat. Hoc quoque figmentum Pythagoræ perstringit *Lactantius* lib. III. de falsa religione cap. 18. Vid. etiam *Philostratus* in vita *Apollonii Thyanei*, lib. III. cap. 6. Qui *Philostratus* quoque de *Apollonio*, cujus vitam descripsit, refert, quod

Leone

Leone forte visô, dixerit: *Amasidis Ægyptiorum Regis animam, pœnas vitæ sceleratæ persoluturam, in feram istam commigrasse. Quod ex eo recenset quoque Photius; cujus excerpta ex hoc Philostrato, ipsius operibus sunt præmissa. Et inquit, idem Apollonius, lib. III. cap. VII. p. m. 129. ap. Philostratum de se ipso, quod ante Ægyptiæ navis gubernator fuerit. Hæc vero ipsa de transmigratione animæ sententia, quam Ovidius l. c. v. 167. sq. ex mente Pythagoræ, ita exponit, ubi de spiritu loquitur:*

-- *Eque feris humana in corpora transit,
Inque feras noster.*

Fundamenti loco erat multis, in stabiliendâ suâ, de non necandis nec edendis animalibus, sententiâ. Et fortasse idem innuit sæpe jam laudatus Diog. Laërtius, l. c. §. 13. ostensurus, cur nec necare, nec edere voluerit animalia Pythagoras, quando dicit: ea esse κοινὸν δίκαιον ἡμῶν ἔχοντα ψυχῆς, i. e. commune jus nobiscum animæ habentia. Nec obscure hanc ipsam rationem innuit Plutarchus, in posteriori de esu carniū oratione, p. m. 998. C. licet ipse aliquantum de ejus firmitate dubitet. Verba ejus ex versione Xylandri hæc sunt: *Verum, nisi quis præterea demonstret, animas dum renascuntur, promiscuè uti corporibus hominum & brutorum, & quod nunc est brutum post fieri hominem, ac per vices ferum ac mansuetum, naturamque omnia mutare & transferre, alieno carnis velantem amictu: hæc (quæ sc. dixerat) non avertunt eum, qui gula se dedit. Et paulo post: Quod si illa, quæ de animarum per vicissitudinem, quandam in corpora illapsis disputantur, non faciant fidem: attamen dubitatio ipsa, magnam nos cautionem, magnum jubet adhibere metum. Videmus adeò hoc argumentum sæpius stringi: & adhibet idem passim Porphyrius, in quatuor suis περὶ ψυχῆς libris. Quam parum vero huic ipsi ipse adeò Pythagoras tribuerit, Laërtius docet l. c. Ubi, postquam docuerat, quod hæc habeant commune nobiscum jus animæ, addit: καὶ τὸ δὲ μὲν ἡν τὸ σῶμα, i. e. & istud quidem præ-*

συνασκῶν καὶ συνεζίζων εἰς εὐκολίαν βίᾱ τῆς ἀνθρώπων. ὥστε εὐ-
 πορίστως αὐτοῖς εἶναι τὰς τροφὰς, ἀπὸ τῶν περὶ φερεμένων, καὶ
 λίγὸν ὕδωρ πίνουσιν. i. e. *Nam reverâ abstinere jussit animatis, exer-*
cens atque assuefaciens mortales ad faciliorem victum: ut cibos
semper parabiles haberent, dum ea, quæ animâ carent assumerent,
et aquam simplicem biberent. Et nemo non videt, totum hu-
 jus argumenti fundamentum falsâ niti hypothesi, transmi-
 grationis scilicet animarum. Quasi vero periculum esset,
 animalia necantibus aut comedentibus, ne vel corpore
 vefcerentur, in quod anima vel propinqui vel agnati cu-
 jusdam defuncti, certè hominis alicujus, transiisset. Atque
 adeò nil quicquam valet apud eos, quibus constat, animas
 post factam à corpore analysin, statim locum vel beatitudinis,
 vel supplicii subire æterni.

§. X. Aliis adhuc pluribus argumentis, idem subinde cor-
 roborare nituntur: in quibus conquirendis admodum pro-
 lixus est sæpè jam citatus *Porphyrus*, libris citatis; quibus
Firmum Castricium aliquem alloquitur qui ex Pythagorico in-
 stituto, ad creophagiam defecerat: præsertim tribus ultimis.
 Nam postquam lib. II. p. m. 134. sq. Sacrificia, tanquam
 causam necandorum animalium allegasset: in quibus, ut
 animalia offerrent, vel fame vel infortuniò quòdam impulsu
 fuerint mortales, tum id ipsum Atheniensium quorundam
 exemplis illustrat, qua ratione porcus aliquis, item capra
 & Taurus, partim ex improvisò, partim ob causam aliam,
 mactari ansam dederint ulterius in bruta sæviendi. At
 injustè hoc & pessimè fieri, prolixè edisserit. Cum (1.)
 causâ cessante, fame nempe, quæ causa fuerat mactandi
 ad Sacrificandum, & ad edendum hac occasione animalia,
 effectus ipse cessare deberet. (2.) magis etiam decorum sit,
 frugibus terræ, tanquam bonis pulcherrimis, quibus Deus
 nos affecerit, eundem iterum honorare. (3.) accedere, quod
 ea sint sacrificanda, quæ, dum sacrificamus, non lædimus.
 At interficere animantia, non sine maximâ fieri læsione.

(4.) Sa-

(4.) sacrificanda porro esse, inquit, quæ magis nobis sunt propria: quæ faciliora paratu, & sumtu: Deoque gratiora, & ad pietatem instillandam, efficaciora. Qualia præstiterimus facile seminibus & plantis, non æquè animalibus. Quæ omnia & exemplis illustrat pluribus, & autoritate variorum. Et addit (5.) prolixam probationem, ex triplici fine Sacrificiorum: qui sit, vel cultus divinæ Majestatis, vel necessariorum petitio, vel gratiarum actio quædam. Ex quibus omnibus demum concludit: Uti minus religiosum, quocunque modo lædere animantia; ὅπως θεοφῆς χάριν ἀπὸ τοῦ τῶν ζώων, ἢ καὶ τοῦ ἡγῆσθαι, ita cibi causa eadem lædere, neque licitum esse æstimandum. Vid. p. m. 179. Plura ipse de hac sententia subjicit in lib. III. ubi refutat objectiones variorum: & IV. ubi suam sententiam ex eo illustrat, quod secuti eam fuerint viri maximi, varique populi, iique maximè morati. Sed quis non videt, quæ de causa sacrificandi animalia dicuntur, quasi scilicet fames impulerit homines, ad offerenda in Sacrificium animalia, aut etiam casus aliquis fortuitus; ea nullius prorsus esse momenti? Prima enim, de quibus certò constat, Sacrificia Deo oblata, offerebant Cain & Abel. Et hic quidem de grege suo pecudes optimas, nullâ frugum terram premente inopiâ, nullô herbarum existente defectu. Nec tamen ideò ingrata hæc fuit divino Numini oblatio: quin gratior longè ipsius Caini, qui fructus agri DEO offerebat in sacrificium. Ex quibus adeò æstimare licet quæ subjungit ulterius; quamque labile hoc sit fundamentum concludendi, non concessam esse vim hominibus, animalia sive necandi, sive in cibum adhibendi.

§. XI. Non autem permittit instituti ratio, plures audire ratiunculas eorum, qui carniū esum ceu illicitum rejiciunt. Alias adhuc, præter allatas, exhibet Puffendorf-
sus de J. N. & G. lib. IV. c. III. §. 4. p. m. 491 sq. Neque erit forsitan aliquis, qui aurem præbeat iisdem, ut minus propterea carnes appetat.

Cum contra afferri possint
plura,

plura, quæ licitum carniū esum sufficienter demonstrant. Nam ut non urgeam ea, quæ à Claudio quodam Neapolitano adducta, Porphyrius lib. I. p. m. 33. exhibet, nullius usus quædam esse animalia, præterquam ad præbendum carne suâ cibum. Et de porco inquit: & γὰρ ἐστὶ χηρίσιμον πρὸς ἄλλο ἢ ὕς, ἢ πρὸς βρώσιν. Sed quod Phænices & Judæi eodem abstineant, id inde esse, inquit: quod non nascantur in istis regionibus. Neque id prolixè expendam, quantum roboris accedat inde corporibus hominum. Quod ex eodem adducit l. c. Porphyrius: δῆλον εἶναι, τὰς ἀθλητὰς τὰ σωματὰ κρείσσον ἢ κρεωφαγία παρέχειν, i. e. manifestum esse, athletas corpora vegetiora reddere cibo animalium. Neque id etiam, quod contra Pythagoricos adducit p. 37. qui ex animarum transmigratione, pro negativa argumentantur, ut supra vidimus. Ἐπὶ δὲ μὴ ἀσβεῖ ὁ τὰ φυτὰ κατὰκόπων, εἴδ' ὁ τὰ ζῶα; i. e. Quod si non impiè agit, qui plantas secatur, neque impiè aget, qui animalia necat. Quoniam & in plantis, iidem aliquam admittant esse animam. Et quæ præterea addit, ex mente Pythagoræorum, non malè, sed benè nos consulturos fore istis animabus, quæ bestiarum corporibus inclusæ, spem concipere possint, redeundi iterum in corpora humana. Ut taceam, quæ ex mente hujus Claudii Neapolitani plura affert. Sequi scilicet, si quis eadem bestiarum & earum esum injustum putaverit; ut neque lacte, neque ovis, neque melle vesci, neque lanâ indui salvâ posse putemus conscientiam. Sicut cum homine injustè agit, qui vestem diripit; ita cum ove, qui lanam avulserit: naturamque lac non tibi; sed parvulis, quos uterò gescit animal, comparasse. Et apiculam dæmum sibi, non illi alimentum congesxisse, qui desiderio fertur dulcedine mellis fruendi. Enimvero credunt, majori virtute stringendi gaudere, argumentum, quod in hac materia plerumque ex defectu communis Juris, & mutæ obligationis desumunt. Neque enim à recentioribus adhibitum hoc ipsum solum videmus:

demus : sed & jam olim à veteribus adversus Pythagoricos. Ita, ubi Porphyrius toties jam citatus, Peripateticorum & Stoicorum rationes ex *Heraclide Pontico* recenset, inter cetera eos dicere inquit, p. 8. τὴν δικαιοσύνην συγχέειν καὶ τὰ ἀκίνητα κινεῖσθαι, εἰὰν τὸ δίκαιον μὴ πρὸς τὸ λογικὸν μόνου τείνωμεν, ἀλλὰ καὶ πρὸς τὸ ἄλογον; i. e. *Justitiam confundi, & non movenda moveri, si id quod justum est, non ad rationalem solum, sed & irrationalia extendamus.* Et paulò post animalia bruta vocat τὰ μηδὲν ἡμῖν πρὸς ἑαυτὰ, ex istius *Heraclidis Pontici* mente. Et addit p. 9. iisdem parcentem, vel injustè secum agere; vel vitam hanc duram & incommodam reddere: rejectò istò animalium esu, quo frui licuisset. Cujus commatis quoque alia ibidem ex mente *Epicuræorum* allata videas. Sed audiamus hic potius *Dn. Puffendorffium*, qui lib. IV. cap. III. §. 5. p. m. 495. ita inquit: *Inter rationes, quibus sufficienter ostenditur, nullam piaculum cadere & esu animantium admitti, præcipua videtur, quod nullum hominibus brutisque Jus, nullaque obligatio invicem intercedat, nec per naturam intercedere debeat. Nam neque lege naturali pro imperio nobis injunctum deprehendimus, ut cum brutis societatem & amicitiam colamus: neque illa obligationis ex pacto oriunda, adversus hominem sunt capacia. Ex quo defectu communis Juris sequitur velut status belli inter eos, qui se mutuo ledere possunt, & probabilibus de causis velie posse intelliguntur. Quo in statu cuique facultas est, alteri, quicum ipsi bellum, inferendi, quæ ex usu suo videbuntur. Etsi hic status belli cum brutis, multum differat ab illo bello, quo homines aliquando colliduntur: quod neque est universale, aut perpetuum, neque ad omnem licentiam promiscuè se extendit. Et hic quidem status in immanibus belluis clarè elucescit: quæ, occasione datâ, in ipsos quoque homines sæviunt. Quæ si quis parci velit, deteriore hos conditione, quam illas esse postulet. Cicures vero animantes usui se hominum præbent, non ex aliqua obligatione; sed vel illecebrâ victus capte, vel vi coërcitæ: quam ubi removeris, mox in libertatem suam abibunt, aliquæ etiam in ipsum hominem insurgent. Hactenus*

ille. Conf. & *Seldenus* lib. VII. c. 1. §. 4. & 5. de J. N. & G. ex mente Ebraeorum. it. *Samuel Rachelius*, in Prolegomenis ad officia Ciceronis. Et ne quis ulterius hic excipiat, Creatori tamen posse fieri injuriam; licet concedatur, non injuste nos agere posse cum creaturis. Nequicquam autem improbamus, quæ cæteroquin pro observandâ temperantiâ & frugalitate dicuntur; autâ reprehensione absolvimus, qui facultate sibi concessâ abutuntur. Tum hic ad Scripturam S. provocandum nobis est: quæ passim docet, & Patriarchas maximè pios, & viros alios probitate suâ conspicuos, Prophetas & quos non? carnes comedisse. Atque adeò ipsius divini Numinis concessione, creophagiam omnino fuisse licitam. Sanè ex Dominio in bestias, & què se latè extendente, quam in herbas agri, quod statim post tempus diluvii Gen. IX. DEUS humano generi concessit, id ipsum firmiter satis concluditur. Neque quicquam est, quod quis hic possit excipere. Illorum vero quæ in v. 5. subjiciuntur, אִכְלוּ בָּשָׂר׃ בְּנֶפֶשׁ דָּמָו לֶאֱכֹל׃ תֹּאכְלוּ׃ explicationem prolixiorẽ vide & apud *Grotium*, in annotationibus ad hunc locum, & *Seldenum* de J. N. & G. lib. VII. cap. I. p. m. 830. sq.

§. XII. Tandem verò cum qui carniū esum adeo detestantur, maximè quoque in eos invehant, qui necare animalia audeant: tum pro hâc animalia mactandi licentiâ necandique, maximè pugnabit quoque *ingens incommodum, quod inde resultaverit, nisi ausi fuerimus manus nostras eade animalium tinxisse.* Rectè adeo urgebatur apud Porphyrium p. 35. neminem latere, quot uno enixu pecora emitant. quæ hîc ibi sufficient pascua? quis alimentorum modus erit? quanta agricolis vexatio? quis exoleſcentibus frugibus illatam à bestiis calamitatem feret? Terra animantium onere pressa, eas ferre indignabitur: & si quæ moriuntur, præ putredine aërem corrumpent. Inde suscitata pesti, miseris mortalibus quò dabitur refugium? ἡ δὲ ἰσχυρὰ μὲν γὰρ καὶ πόλεμοι καὶ λιμναὶ ἰχθύων πεπλήσονται, οἱ δὲ αἰετὶς

ἀνὴρ ὁ ἐνὶ θάλασσῃ: ἡ δὲ γῆ πλήρης ἐγενήθη παντῶν. i. e. *Mare quidem, fluvii & lacus piscibus scaturient: aër volucribus opplebitur, terra vero omnigenis reptilibus.* In quibus sane tam parum à veritate aberratum fuit, ut verius nihil unquam dici potuisset. Si enim homines in tantum excreverunt numerum; quæ multitudo futura fuisset animalium reliquorum, quæ uno partu plures edere solent catulos? Scaturirent omnia bestiis: quantaque cuniculorum, & quanta demum aliarum ejusmodi bestiarum foret multitudo & exuberantia? Accedit denique, quod non sufficientem hominibus cibum præstiterint herbae, & fructus ex terra prodeuntes, in tanta bestiarum copia: à quibus absumerentur, ita, ut parum vel nihil prorsus hominibus relinqueretur.

§. XIII. Sed vix opus esse videtur, hoc pluribus vindicare, de quo neminem hodie dubitare, experientia docet. Id ipsum autem argumento est non exiguo, neque ante diluvium interdictum prohibitumque fuisse lege naturæ, carnibus vesci animalium. Et quamvis *Raschi*, ad locum Genes. IX. 3. supra allegatum, circa verba לַכֶּם יְהִי לְאֹכְלָהָם annotet: שְׁלֹא הָרְשִׁיתִי לָאָדָם הָרִאשׁוֹן בָּשָׂר אֶלָּא יֶרֶק עֵשֶׂב וְלָכֶם כִּירָק עֵשֶׂב שֶׁהִפְקַדְתִּי לָאָדָם הָרִאשׁוֹן נָתַתִּי לָכֶם אֶת כָּל i. e. *Quamvis non concesserim homini primævo carnem, sed tantum herbam viridem: tamen vobis, uti herbam viridem, quam concesseram homini primo, ita & dedi vobis omnia.* Tamen hæc omnia dicuntur magis, quam probantur. Aut enim lege scriptâ positivâ idem interdicendum fuisset, aut naturæ lege. De illa certè neque vola, neque vestigium extat ullibi. Neque ex eo, quod Genes. I. 29. 30. nulla prorsus fiat mentio carnis animantium, cum *Curcellæo* in *Diatriba de Esu Sanguinis*, cap. I. operum Theol. p. 943. sq. rectè quis concludit: mentionem omnino facturum fuisse Deum ejus, si eum hominibus in alimentum concedere, intendisset. Neque adeò ante diluvium licitum fuisse, carnem usurpare, nisi se furti reos reddere vo-

fuissent. Quoniam ablatio rei alienæ, invito domino, secutura fuisset. Nam sane ex silentio Scripturæ S., testimonium desumere non licebit, pro sententiâ istâc negativâ, hoc modo: Non expressè legimus concessum primævis hominibus carni-um esum, ergo neque concessus aut licitus fuit. Neque etiam DEUS expressè ipsis concessit usum animalium, in arando adhibendum; item ad gestanda onera, trahendos-que currus. Neque etiam permisisse legitur disertis verbis, butyro, lacte &c. animalium frui. Et tamen istæ concessa, fuisse ante inundationem universalem Terræ, ipsi qui con-tradicunt, admittunt. Causam vero, ob quam nulla expres-sa hujus concessionis fiat mentio, geminam affert Job. Henr. Heideggerus, in tract. de libertate Christianorum à lege cibaria veterum, de sanguine & suffocato: quam repetit in אֱלֹהֵי נַחֲשׁוֹת Exercitat. IV. § 9 p. 399. qui videri potest. Ubi insimul docet, animalia utique includenda esse, non exclu-denda. Quod ל in voce לָכֵל v. 19. inclusivè sumendum, signi-ficare debeat *cum omni*. Qui carnem bestiarum usurpat, non aufert rem alienam, sed suam, à Deo sibi concessam Gen. I. 26. de quo mox pluribus. atque adeo in eum furti definitio minimè quadrat. Quod si autem non interdictum fuerit lege scriptâ, multo magis adhuc constat, nec naturali lege prohibitum fuisse, carnes concedere. Scilicet immutabilis est omnino, neque dispensationem admittit, lex, quam na-tura nobis inculcavit. Adeo que facile concludere poteris: si non injustè licet animalium carnibus vesci post diluvium; neque injustum, aut illicitum idem fuisse ante diluvium.

§. XIV. Sed quam, ante diluvium concessam, creophagiam probavit hætenus *licitus post diluvium carni-um esus*; eam quoque confirmat *Dominium hominis universale*, ipsi Gen. I. 26. concessum. Scilicet, quanta sit hominis præ reliquis creaturis omnibus præstantia, facile cuivis patet, qui noverit, datum esse homini singulare mentis lumen: ut possit hujus ope res accuratius comprehendere, eas inter se conferre, ex notioribus ignotiora colligere, deque rerum

rerum inter se convenientia judicare: nec non, ut motus suos non ad eundem semper modum cogatur exserere; sed eosdem expromere, suspendere ac moderari calleret, prout videretur: quæ verba sunt *Puffendorffii*. Prout igitur inter homines æquum est, eos præesse & dominari, qui ratione & prudentiâ antecellunt: sic inter animalia homini debuit Principatus, Dominium & Imperium. Cum verum omnino sit, quod de homine pronunciat *Aristoteles* in *Ethicorum* ad *Nicomachum* lib. X. cap. VII. p. m. 401. *Εἰ γὰρ τῷ ὄγῳ μικρὸς ὢν, δυνάμει καὶ πρῆξιν πολὺ μᾶλλον ὑπερέχει πάντων*. i. e. *quamvis mole parvus sit, virtute tamen & pretiò multo magis omnibus antecellit*. Ex ipso quoque consilio, quod de homine creando Sacrosancta Trinitas celebrabat, ominari facile quis poterat; Jam proditurum animal, cui nec par ullum è reliquis omnibus, quæ hæctenus fuerant condita, quodque præstantissimum longè esset inter omnia. Cum enim opera alia unius verbi edicto produxisset DEUS; hic quasi consilium ineundo meditandoque procedit: ceu homines solent, ubi grande aliquod negotium meditantur. Agnovit idem *B. Chrysostomus*. Qui proinde in *Homilia VIII.* ad *Cap. I. v. 26. Genes.* inquit: *Tom. II. operum* (edit. *Francos.* 1698.) p. m. 66. *Πρώτῃ μὲν γὰρ ἡμεῖς αὐτὸ λέγοντες, μετὰ τὴν τῆς ἔρᾶς καὶ τῆς γῆς δημιουργίαν, γενηθήτω Φῶς, καὶ γενηθήτω σπέρμα ἐν μέσῳ τῆς ὕδατος, καὶ πάλιν, συναχθήτω τὸ ὕδωρ εἰς συναγωγὴν μίαν, καὶ ὀφθήτω ἡ ξηρὰ καὶ γενηθήτωσαν Φωσῆρες, καὶ ἐξαγαγῆτω τὰ ὕδατα ἐκπέλα ψυχῶν ζώων. εἶδες λόγῳ μόνον, καὶ προσταγμάτων πᾶσαν τὴν κτίσιν δημιουργημένην ἐν ταῖς πέντε ἡμέραις; σκόπει σήμερον, πόση τῶν ῥημάτων ἡ διαφορὰ; ἐκείνῳ γὰρ Φησὶ, γενηθήτω ἄνθρωπος, ἀλλὰ τί; ποιήσωμεν ἄνθρωπον. Τί τὸ καινόν; τί τὸ ξέον; τίς ἄρα ἔστι δὲν ὁ δημιουργός, ὅτι τοσαύτης βελῆς καὶ σκέψεως ἐδέησε τῷ δημιουργῷ, πρὸς τὴν τῆς κατὰ σκευὴν; μὴ ξενισθῆς, ἀγαπητέ. Ἰὸ γὰρ πρῶτον ἀπάντων τῶν ὁραμένων ζώων δὲν ὁ ἄνθρωπος. Neque tamen hoc solum de Præstantia hominis poterit testari. Sed accedit insuper notabilis creationis ordo. Creatura*

primum erant cœlum & terra: sed quasi domus, omni destituta suppellectili, & nullò comta ornamentò. Ad quæ vero exornanda, varia produxerat, tum ad cœli, tum ad terræ ornatum inprimis facientia. Donec tandem hæc omnia perfectè exhibiturus, de homine creando consilium agigaret. Uthic adeò, in cujus gratiam condita creduntur omnia, nullâ ullius rei laboraret inopiâ; sed affluentiam haberet eorum omnium, quæ vel usui vel jucunditati inservire possent. Quod idem docuit jam laudatus B. Chrysostomus l.c. Nam postquam prolixè præmiserat, qui mos sit hominum, ubi sciunt, regem civitatem aliquam esse visitaturum, omnia præparantium, quæ ad magnificentiam splendoremque introitus facere possint; subjungit: τὸν αὐτὸν δὴ τρόπον, καὶ νῦν, κατὰ πρὸ βασιλείᾳ πυνά καὶ ἀρχόντα μέλλων ἐφίσταν πασι τοῖς ὄντι τῆς γῆς, πᾶσαν ταύτην τὴν διακόσμησιν πρὸς τερρὸν ἐπεκτείνῃ, καὶ τότε τὸν μέλλοντα ἐφίστασθαι παρήγαγε. Hæc ipsâ adeo præstantiâ hominis præ creaturis reliquis, aptus ipse reddebatur, qui dominiò frueretur in cætera omnia. Unde Naso sub initio Metamorph. v. 76. sqq.

*Sanctius his animal, mentisque capacius alte
Deerat adhuc, & quod DOMINARI in cætera posset:
Natus homo est.*

& quod alias dicitur: Ἀρχὴν μηδενὶ προσήκειν, ὅς ὃ κρείττων ὢν τῶν δεχομένων: id in hominem admodum quadrat. Quanto enim major ejus præ reliquis omnibus præstantia; tantò major quoque aptitudo est, cæteris imperandi.

§. XV. Enimvero, ad quod adeo aptus conditus fuit homo Dominium; ad illud etiam à DEO ipso destinabatur. Ita enim DEUS, ubi de creando homine consilium iniit, addit Gen. I. 26. וַיֹּרֶד בְּרִגְתַּי חַיִּים וּבְעוֹף הַשָּׁמַיִם וּבַבְּהֵמָה וּבְכָל הָאָרֶץ וּבְכָל הָרֶמֶשׂ הָרֹמֵשׂ עַל הָאָרֶץ:

Quibus quidem verbis, destinationem hominis ad capessendum universale in creaturas omnes dominium innui, nemo

nemo dubitaverit. Nam vocem דָּוָר , in significatu *Dominionis* hic sumi, certum est. Et suadet idem constructio cum בְּ : quomodo ubicunque reperitur constructum, semper in hac significatione extat. Jam verò vocem וַיְדַבֵּר , non de sola habilitate accipiendum esse, (quam potius præsupponimus;) sed de facultate ipsi etiam concessâ, suadet, tam consideratio antecedentium; tum etiam, quod deinceps DEUS hominem creatum alloquatur v. 28.

$\text{וַיְדַבֵּר אֱלֹהִים בְּרֵשִׁית בְּרֵשִׁית}$ conferendo ipsi adeò istud dominium; cui formandus adhuc, jam erat destinatus. Et istud quidem non circa quædam solum versaretur animalia: sed in universum omnia tali subessent dominio. Quod ipsum patet ex universalitate subjecti hic nominati. Nam ad normam hujus dicti est, quod Hebræi *Bruta in quatuor summa-genera* dividant: sc. in בְּהֵמָה , עוֹף , in רֶמֶשׂ & גִּד . Conf. *Bochartus*, *Hieroz.* lib. I. c. II. Et advertunt iidem quodammodo etiam ad hanc animalium distinctionem, in materia de Esu sanguinis; distinguendo inter sanguinem Pecorum, Ferarum & Volucrum, itemque Piscium &c. de quibus prolixè disserit *Seldenus* de J. N. & G. ex mente Ebræorum, Lib. VII. c. I. p. m. 825. sq. Est adeò consequens, concessisse hōc ipsō Deum homini Dominium in animalia quælibet. Cujus equidem imperii dignitas, multis modis diminuta & labefacta est, lapsu Protoplastorum interveniente: tamen aliqua adhuc ejus supersunt vestigia. ut loquitur *B. Gerhardus*, in LL. Loco de Imagine DEI in homine ante lapsum, cap. IX. §. 129. pag. m. 139.

§. XVI. Juxta alios igitur in eo constiterat Dominium: quod omnes creaturæ hominis arbitrio subessent, ipsi servirent, subjicerentur, & si ipsis habeat opus ad auxilium vel sustentationem, in ejus potestatem licitò redigerentur. Brevius describi poterit per *Jus seu Facultatem*, ad auxilium vel sustentationem animalia adhibendi. Ubi quidem vocabulum Juris adhibeo: quod velim, legitime &

cum

cum effectu morali, potuisse hominem bestias in usum victumque convertere; non æquè, quod actu id semper egerit, idque suum Jus semper in effectum produxerit. Unde facile quis animadvertet, non nos admodum ferire, si quis dicere velit: verendum hoc pacto fuisse, ne non aliquod genus animalium interiturum fuisset. Cum unum tantummodo par cujuslibet generis, à divino Numine in prima creatione productum fuerit. (Quod tamen, contra *Justinum Martyrem* & *Theodoretum*, quos adducit, non admittit *Pererius*, Comment. in Genesim, lib. XIV. Disp. I. §. 14.) Si nihilominus Protoplasti, dentes suos in eadem stringere, & comedere istæc voluerint. Potuerunt scilicet ubicunque libuerit, & in primis ob evitanda quædam incommoda, efficere, quo minus istud Jus suum actu exsererent: ut nihilominus Jus istorum salvum perstaret atque integrum. Tale vero Jus, quin homini fuerit, ad convertenda in suos usus animalia, eorum utendo auxilio; id nemo facile inficiatus fuerit. At, quod ex eodem capite, iisdem in sustentationem suam uti potuerit, id est quod negant multi pernegantque. Verum illud omnino certum est, per *Dominium* homini concessum, tale Jus intelligi debere, quod propter universalitatem nominatorum animalium, ad omnia æquè pateret: non ad Jumenta aut bestias agri solum; sed & ad volatilia cæli, & pisces in aquis habitantes. At vix video, quæ ex piscibus redundatura egregia utilitas fuisset in humanum genus; si ab esu illorum discesseris. Consequens adeo fuerit, nisi inane Juris nomen velis statuere, adeo latè istud Jus dominii patuisse, ut vitæ necisque, adhibendorumque in cibum animalium fuerit. Deinde ita Jus dominii explicandum erit; ne concedere opus habeamus, sortem hominis, peccando meliorem fuisse redditam. Nam tale quid nemo sanus admittit. Neque tamen video, quâ ratione hoc evitare poterunt ii, quibus volupe est defendere contrarium. Scilicet, concessit divina Majestas homi-

homini, frui post lapsum cibo carniū ex animalibus, juxta locum Gen. IX. jam citatum. Fluere verò omnium liquidissime exinde, si DEUS homini, post diluvium in statu destitutionis versanti, carniū esum permisit, quem tamen in statu institutionis prohibuerat; meliorem extitisse conditionem hominis post lapsum, quam ante lapsum. Idque ob duplicem potissimum rationem: quod nimirum frui licuerit lautis ejusmodi carniū dapibus, quibus æquè antea frui non fuisset integrum. Et deinde, quod amplior reddita fuisset dominandi facultas hominis post lapsum, quam fuerat, ubi adhuc in primæva versabatur integritate. Novi equidem, ipsam victus simplicitatem, quæ proventu terræ circumscribitur, in summo ab aliis haberi æstimo. Certè Ovidius descriptioni ætatis aureæ & hæc admiscet, Metamorph. lib. I. vers. 103. sqq.

Contentique cibus nullo cogente creatis,

Arbuteos fetus, montanaque fraga legebant.

Cornaque, & in duris herentia mora rubetis,

Et quæ deciderant patulâ Jovis arbore glandes.

Æstimarunt eam quoque ex Philosophis plurimi: & inter eos Pythagorici, *ευκολία βίη* (quod vertunt, *facile parabilem cibum*) commendabant maximè. Neque tamen & id negandum, ab aliis contra carniū usum magni omnino fieri. Et illud sane maximè invictum & longe certissimum est, ex adducto jam fundamento non posse concedi, ampliorem fuisse redditam dominandi facultatem hominibus post diluvium, quam eorum fuerat, qui ante diluvium vixerunt, tum in statu integritatis præcipuè, tum & in statu corruptionis. Quod nulla videatur suppetere ratio, cur arctius debuerit esse Jus dominandi in bruta, hominum ante lapsum quam post lapsum; aut ante diluvium, quam post diluvium viventium. Nemo autem negaverit, post diluvium, dominium hominis tam latè patere, ut ex eo Jus vitæ necisque, consumendorumque adeò in cibo animalium, fluxerit: juxta illud, quod Genes. IX. 2. legimus. Quod concedunt illi adeò etiam, qui cæteroquin pro

contrariâ sententiâ pugnant. Qualis *Josephus Albo*, in libro
fundamentorum ספר עקרים Ebeaxis dicto: qui, citante *Seldeno*
lib. VII. c. i. p. m. 830. ita inquit: בתחלה נצטווה אדם
הראשון בקצת מצוות שנהגו בהן האנשים לפי קבלת
ר"ל עד נוח ולנוח התיר אכילת בעלי חיים שהיה אסור
לאדם הראשון כי בתחלה לא התיר להם אכילת בעלי
חיים אלא אכילת הצמחים בלבד וגו' ואחר כך
i. e. *In principio*

*quædam Præcepta data sunt primis Parentibus, quibus usi sunt ho-
mines usque ad Noachum; juxta traditionem Rabbinorum nostro-
rum p. m. Noacho vero permissus est esus animalium, qui Adæ in-
terdictus est. Nam in initio non permissus est homini esus ani-
malium; sed tantum esus eorum quæ è terra germinant, seu fru-
ctuum è terra nascentium tantum &c. Et postea Noacho permissus est
esus animalium. Qui ipse impugnator alias, juxta Seldenum,
acerrimus ἀντιπαρῆς ante-diluvianæ, non repugnat huic
sententiæ, quæ post diluvium, dominium hominis extendit
etiam usque ad esum animalium. Cum adeò, quod ex dictis
constat, ex capite domini homo vesci possit animalibus;
tum nemo idem negare solidè poterit, ante diluvium, sive
lapsu jam admissio, sive ante istum idem licuisse: qui non
unà admittere velit, dominium ante lapsum quam post
lapsum, aut ante diluvium quam post diluvium, fuisse an-
guistius. Accedit, quod dominium istud, si præsertim ad
statum ante lapsum habeatur respectus, se exserere vix po-
tuisset, nisi etiam esum animalium inclusisset. Cum enim ho-
mo per dominium habeat, ut animalia tum in adjumentum,
tum ad capiendum inde amictum, tum in victum adhi-
beat, aut adhibere possit. Et tamen homo ante lapsum
vix indigeret adjumento animalium, amictum adeò nul-
lum requireret; necessum erat, ut eo minus victus exclu-
datur*

datur animalium. Ne ipsô dominiô quasi prorsus excidisse homo videretur.

§. XVII. Nequaquam autem illud admittendum, quod solum hoc in animalia dominium imaginem istam divinam absolverit, in qua Protoplasti erant conditi. Non est hujus loci hæc demonstrare prolixius. Audiamus hicloquentem *B. Gerhardum* in I.L. loco de Imagine divina, c. 1. §. 37. *Imago divinæ sapientiæ fulgebat in intellectu hominis: imago bonitatis, mansuetudinis, tolerantiae in animo hominis: imago charitatis & misericordiæ divinæ fulgebat in affectibus cordis humani: imago justitiæ, sanctitatis & puritatis divinæ lucebat in voluntate hominis: imago comitatis, benignitatis, veritatis, in gestibus & verbis hominis: imago divinæ potentiae, in dominio concessa super omnia animalia.* Pariter autem nec illud admittendum, in hoc solum dominium istud in animalia se exferuisse, quod nomina iis imponere Protoplasti potuerint. Equidem id efficere posse, ut quis eo nomine gaudeat, quod ipsi à nobis fuit impositum, documento esse potest alicujus in istud potestatis: conf. Psalm. CXLVII. 4. At si quis inde velit concludere, in eo terminasse se dominium primi hominis; is sanè non adeo firmiter argumentum stringeret. Imposuit & DEUS nomina hominibus, & alii aliis: neque tamen tam arcta illorum potestas est, ut non aliis quoque se exferere possit speciminibus. Quin & de Adamo constat, illum nomen Hevæ imposuisse: cum tamen summa adhuc dum inter utrosque esset æqualitas, & præcellentia mariti præ uxore post lapsum demum obtinuerit. Imò si in hoc unicè dominium constitit, nonne hâc suâ nominum impositione, præripuisset Adamus omnem exercendi dominium facultatem, & uxori, & qui oriundi essent ex ipso posteris omnibus? Nam illi sane nomina imponere animalibus non potuissent; nisi vel immutata fuissent nomina ab Adamo indita, vel nominum numerus uniuscujusque bestiae incredibiliter auctus. Quale quid verò credere ne-

quicquam licet. Equidem ubi hujus impositionis nominum mentionem fieri videmus, & advertimus, quod postea quondam in usu fuerint *δελικὰ ὀνόματα*, qualia nimirum Domini servis imponere sueverunt: quale est istud, quod servus *Theophrasti* gerebat, nempe *Μάνης*. Cujus in Testamento suo mentionem facit, post annos quatuor liberè dimittendi, si quidem strenuè in labore esset perrecturus, apud *Laërtium* lib. V. in *Theophrasto*. Ubi *Menagius* in notis ad h. l. ex *Eustathio* adducit. *Μάνης δελικὸν ὄνομα ὡς τὰ τοῖς πάλαιοις*. Quem pluribus conferre licet, si placuerit. Hæc inquam, ubi advertimus, tum confirmamur in eo, ut credamus, ex hac nominum impositione colligi veluti ex signo aliquo, de Dominio: non tamen, ut hōc ipsō omnis dominiū amplitudo circumscribatur unicè. Et pro tali dominiū signo habetur quoque à B. *Job. Chrysostomo*, qui Homil. IX. in cap. I. Genes. Tom. II. p. 75. inquit: καὶ ὁρῶν πλησίον αὐτῶ γινόμενα τὰ θηρία, ἃ καὶ ἀπεπήδησεν, ἀλλὰ καθάπερ τις δεσπότης δούλοις ὑποκειμένοις, ἕως ἅπανσι τὰς προσηγορίας ἐπέθηκεν, καὶ πῶς ἐπαύλησεν αὐτό, Φησὶν Ἀδὰμ τὸτο ὄνομα αὐτῷ, καὶ τὸτο δεσποτίας σύμβολον. Διὰ τὸτο καὶ ὁ θεὸς βεβλόμενος καὶ διὰ τὰτα διδάξαι αὐτὸν τὸ τῆς ἐξουσίας ἀξίωμα. Et idem *Chrysostomus* in cap. II. Homil. XIV. p. m. 124. τὸτο γίνεσθαι, ἵνα καὶ τὸ σύμβολον τῆς δεσποτίας, διὰ τῆς τῶν ὀνομάτων ἱεστῶς ἐκτελέξηται. καὶ γὰρ τοῖς ἀνθρώποις ἐδόθη, τὸτο ποιεῖσθαι σύμβολον δεσποτίας, ἐπειδὴν οἰκέτας ὠνήσονται, μεταπείθεσθαι αὐτῶν τὰς προσηγορίας. Poterimus itaque hoc tanquam signum dominiū humani in animalia admittere: nequaquam vero, quod in hoc unicè confiterit vis Imperandi dominandi que. Idem vero quod de Impositione nominum dictum, dicendum quoque erit de accessu animalium ad Adamum: quem itidem aliqui omnem dominiū ambitum complecti credidēre. Neque enim facile quis dixerit, & pisces quoque ad Adamum accessisse, nomina ab ipso petituros. Quō tamen positō, collabaretur facile dominiū istius universalitas.

tas. Refert & hunc accessum animalium ad Adamum B. Chrysostomus, l. c. p. 123. ad signa, de dominio primævo testantia, dum inquit: λογίζεσθαι μετὰ τῶν ἄλλων καὶ τὸ τοῦ, ὅτι καὶ λέοντες, καὶ παρδαλεις, καὶ ἔχιδες, καὶ σκόρπιοι, καὶ ὄφεις, καὶ τὰ ἄλλα ἅπαντα, τὰ τῶν θηριωδέστερα, καθάπερ πρὸς δεσπότην μετὰ πάσης ὑποταγῆς ᾤκισαν, καὶ εἶδεν τῶν θηρίων τῶν ἐδεδοίκεν ὁ Ἀδάμ. Id quod admittere omnino licuerit: modo nec quis negaverit, testari hoc ipsum quoque de reverentia, quam præstiterint divino nutui, ad hominem accedendo, ubi divinæ sic placuisset voluntati. Quod si quis verò istud tantum urgeat: Non adeò latè patuisse dominium, seu: *illud solum fuisse illicitum, absque urgente necessitate, voluptatis causa seu ad gulæ placendum, animantium carnem in cibum usurpare*, ut Curcellæus l. c. cap. 3. p. m. 948. b. inquit, in eos nos facile habebit consentientes. Nam uti improbamus abusum hujus facultatis, cum stolidæ præcipue immanitatis conjunctum, si id hodie contingat; Ita & eundem ante diluvium eliminatum præscriptumque potius volumus, quam ut eum approbemus. Prout enim ante lapsum obtinere talis hujus facultatis abusus non potuerat: ita facile concedimus, nefarios primi mundi incolas idem fecisse videri.

§. XVII. Aliud jam urgebimus argumentum, desumptum ex *observata jam ante diluvium inter animantes differentia*. Reperimus enim pecora gregaria, & à Pastore directæ: quibus omnino contradistinctæ concipiendæ sunt feræ. Reperimus alia pingua dicta, quod alia fuerint macilenta. Reperimus distinctionem quoque observatam, inter bestias puras & impuras. Et quamvis hoc argumentum potissimum pugnare videatur, pro actuali comestione: adhibemus tamen idem tanto facilius & lubentius, quod, ubi sciamus, comedisse homines ante diluvium carnes, idque Deo non prohibente; itidem ex hoc edoceamur, licitum fuisse ante diluvium carniū esum. De pecoribus

gregariis seu in gregem coactis edocemur, ubi videmus & alicujus Pastoris רועה mentionem fieri, & ipsius gregis, qui צאן vocatur. Equidem vocem רועה Habeli attributam legimus, Genes. IV. 2. ubi dum Cain dicitur עובר ארמה, hic appellatur רועה צאן. Ubi equidem non inquiremus, quam verè dixerit Raschi, rationem redditurus instituti Habelis, dum inquit: לפי שנתקללה הארמה פירש לו מעבורתה: Ideo scilicet eum à colenda terra abstinuisse, quod eam deprehenderet maledictam. Id certum est: denotari hac voce eum, qui gregem pascens, non uno loco substitit; sed pabulò hic absuntò, eandem alibi egerit. Ut applicari quædam huc possint quæ citatus jam Raschi ad vers. 20. hujus cap. IV. dicit de Jabale: הוא היה ראשון לרועי בהמות במדברות: יושב אוהלים חדש כאן וחדש כאן בשביל מרעה צאנו וכשכלה המרעה במקם זה הולך ותוקע אהלו במקם אחר: fuisse illum primum pascentium pecora in disertis. Nam inhabitantem tentoria transtulisse eadem, mox huc, mox illuc, propter pascuum gregis sui. Ubi enim pascua consumpta essent in loco hoc, abiisse & tontorium fixisse alibi. Conf. Raschi etiam ad Numer. XIV. 33. Sufficit adeò, innui hoc ipso, ut jam diximus, Pastorem ejusmodi, qui collecta in gregem pecora curaret, & ad pascua duceret. Id quod quidem docet, non satis firmam esse Drusii observationem, quam jam taxavit Bochartus in Hieroz. Part. I. Lib. II. c. XLIV. quasi vox רועה solum notet μισθωπὴν; cum נוקר contra ipsum gregis Dominum indicet. Nam ut taceam quæ summus ille Bochartus ibi urget, vel hic unicus locus evinceret contrarium. Quis enim pro servo aut mercenario habuerit Habelem, ubi nullus erat, cui posset esse à servitio? Sed uti vox Pastoris supponit, requiri aliquem cætum pecorum, in quem sese exserere posset munus pastorale: ita occurrit etiam vox ipsa צאן, talem cætum denotans. Ubi parum quidem curamus, quæ radix sit hujus vocis,

vocis, quod tamen inquisivit jam *Bochartus* l. c. lib. I. c. IX. p. m. 60. modo id nemo neget, intelligi hac voce *gregem* seu *catum* aliquem pecorum, in quem exerceret Habel munus suum pastorale. Adeoque hæc, cum mansueta fuisse necessum erat, quibus pabulum Habele curante suppeteret, contradistincta procul dubio iis erant, quibus nemora inhabitare, & ab humano fugere consortio volupe esset. Uti igitur jure quis victum sibi sumit ex grege, in quo pascendo defudat: ita & nos statuimus, & probabiliter admodum concludimus, Habelem quoque inter cæteras causas, quæ ipsum impellerent ad invigilandum gregi, habuisse, ut pro lubitu istis vesceretur animalibus. Ecquis enim crederet, istum ideo solum gregem aluisse, ut lana adesset, pro conficiendis ex ea vestimentis. Exiguus omnino adhuc hominum aderat numerus, pro quo vestibus ornando, non amplò quòdam opus erat grege. Quid quod credibile, admodum sit, simpliciori vestitus genere tunc contentos mortales, nondum admodum studuisse, ut ex lanâ pannum connecterent, materiam conficiendarum inde vestium. Neque etiam sufficit, lac ipsi concedere gregis sui, & quibus prætereà frui posset; modo non vitam perderet animalium. Non enim piaculum habebat, mactare in sacrificium animalia: nec iis fortè pepercit, ubi pellibus indigeret, quibus se tegeret. Quis negaverit igitur? & eundem hominem in cædem animalium provolasse, ubi appetitu flagraret, carnibus eorundem vescendi. Accedit, quod maximè tunc temporis homines operam darent labori isti, qui sufficeret ad acquiendum victum. Cain igitur terram colebat, ut victui inde sumeret necessaria. Habel gregem alebat, ut & iste inde victui necessaria defumeret. Quod tamen ob dictam rationem, non solo lactis aut butyri usu, carne exclusâ, erit circumscribendum. Accedit denique, quod brevi in inutilem copiam extensurus sese fuisset pecorum numerus, quibus pascendis vix ille suffecisset: nisi frequen-

frequenti cæde effecisset, ne nimium excresceret illorum copia. Nam pauca erant, quæ in sacrificium afferret: nec multis opus erat, ut exinde pelles sumeret: quin, quod nec credibile sit, carnes ab ipsis fuisse rejectas, solis sibi reservatis pellibus.

§. XIX. *Altera distinctio animalium, quæ itidem argumentum nobis suppeditat, est, ubi animalia quædam dicta reperimus pingua, quibus opposita concipiuntur macilenta.* Ita enim de Habeli legimus, quod sacrificium Deo obtulerit *מבכרת צאנו ומחלביתן* *de primogenitis gregis sui, & de pinguedine eorum* Gen. IV. 4. Ubi certè non refugiendum est ad metaphoricam vocis חלב interpretationem, ut denotet solum optimum & præstantissimum de grege. Quamvis enim ita explicandum veniat, ubi sermo est de חלב יצחק וכל חלב תירוש Gen. XLV. 18. it. חלב יצחק וכל חלב תירוש Num. XIX. 12. &c. Ubi subjecta vetant, quo minus propriè de adipe seu pinguedine intelligi possit: tamen ubi proprius ejus significatus locum obtinere potest; ibi non temerè ad improprium erit confugiendum. Unde hîc, ubi de animalibus gregis sermo est, optimè quadrat explicatio vocis חלב, per *adipem & pinguedinem*. Inde autem sic concludo: si jam pio Habeli nota fuit differentia, inter animalia pingua & macilenta; admodum probabile est, illam ipsi ex esu carniû innotuisse: & adeò facile constabit, licitum quoque fuisse carniû esum. Consequentiam hanc, si nota fuit Habeli differentia inter pecudes pingues, & minus pingues; admodum probabile est, illam ipsi ex esu & cibo carniû innotuisse, inde confirmo: quod differentia hæc vix observetur aliàs, præterquam in esu carniû. Non enim id urgebo, quod ex *Aristotele* refert *G. J. Vossius*, de Theol. gent. lib. III. c. XXIX. extrema saporum esse dulce & amarum: & dulce quidem inhærere pingui, amaro vero falsum. Quæ à *Scaligero* refutata exhibet l. c. *Vossius*. Sane, ubi pecora istum tantum præstant usum, ut lana, inde

inde suppetat ; non video, quis tum hujus discriminis usus ? Neque vero, si lacte animalium solum fuissent usi ante diluvium, non ausi progredi ulterius ad esum ipsarum carniū, constabit ; quare talis observanda fuerit differentia. Quin, si propter alios demum usus domesticos sustentata dixeris animalia, parum tamen & hic intererit, siue notabilem pinguedinem aluerint, siue non. Cum certum sit, istæc omnium optimè laboribus domesticis fungi posse, quibus ossa bene compacta & consolidata : non habito siue pinguedinis siue maciei discrimine notabili. Accedit, quod de pinguibus l. c. dicatur, adhibita eadem fuisse in sacrificium Deo offerendum. Jam verò id fatendum omnino est, adhibuisse Habelem istæc pinguiora tanquam meliora : at, quod pinguium extra esum vix ulla sit præstantia, ex adductis jam patebit fundamentis. Et idem jam strinxit J. H. Heideggerus, אֲשֶׁר אָבֵהוּ Exercit. XV. §. XXIII.

§. XX. Tertia denique distinctio animalium, quæ pro nobis facit, est *inter munda & immunda*. Ita enim Scriptura sacra Gen. VII. 2. distinctionem observat inter bestiam טָהוֹרָה וְלֹא טָהוֹרָה *mundam & immundam*, cum sermo est de assumendis iis in arcam Noachicam : & eadem observatur quoque c. c. vers. 7. Ubi id quidem extra controversiam debet esse positum : *nullum animal suâ naturâ esse immundum*, cum DEUS in suo genere animalia omnia valde bona creaverit. At id non adeo liquidum est & expeditum, ex quonam fundamento hæc animalium distinctio fluxerit. *Benedictus Pererius* in suis ad Genes. commentariis lib. XI. Disp. II. §. 5. sq. ad vers. 19. cap. VI. triplicem affert hac de re sententiam. Primam, quæ *B. Chrysostomi* fuerat, atque contendit, discrimen animalium mundorum & immundorum innotuisse Noacho, vel naturali rationis judicio & prudentiâ ; vel singulari aliquâ DEI revelatione. Ipsa *B. Chrysostomi* verba non opus est ut ap-
F pona.

ponamus, cum *Pererius* eadem satis prolixa adduxerit: itemque etiam *J. H. Heideggerus*, Exercitationis jam citatæ §. XXV. Alteram, quæ locutum Mosen statuit per eam orationis figuram, quæ dicitur Anticipatio. Deum scilicet nominatim indicasse Noacho species animalium, ex quibus sumeret bina; & alias species, ex quibus sumeret septena. Cumque evenerit, ut per legem à Deo latam hæc censerentur & appellarentur munda, illa vero immunda: inde Mosen, quo brevius indicaret illam animalium distinctionem, notô Judæis discrimine mundorum & immundorum eam declaravisse. Et hanc sententiam tribuit *Theodoreto*, *Be- da*, & *Tostato* in quæstionibus ad Genesin. Et videtur idem sensisse *Raschi*, ad Gen. VII. 2. ubi טהורה explicat, per, טהורה להיות טהורה בישראל futuram, seu destinatam ut sit aliquando munda inter Israëlitas. Tertiam denique eorum, quam & sibi arridere ait *Pererius*, qui statuunt: multa eorum, quæ lege Mosis sancita sunt, fuisse ante legem jam inde ab exordio mundi in more & usu, apud probos & honestos viros: cujusmodi esse ædificationem altarium Gen. IX. & XXIX. suscitationem seminis fratris mortui absque liberis. In his fuit etiam, inquit: distinctio mundorum animalium & immundorum. Sed enim prout non desunt fortè, qui animalia munda ideo ab immundis distincta fuisse existimant, (conf. *Grotius* in annot. ad lib. 5. de verit. relig.) quod non æquè, ceu hæc, in alias inveherentur bestias, & earum carnibus vescerentur. it. quod alia in sacrificia adhiberentur, cætera non item. Ita sanè & rectissimè judicarunt viri magni nominis, cum *Bocharto*, *Heideggero*, ll. cc. ideo hoc discrimen fuisse observatum; quod munda animalia in cibum adhibita fuerint, seu quod frequens eorum in cibo usus fuerit; immunda contra in cibis averfarentur ante-diluviani. Facilius equidem hac de re judicium ferre liceret, si superesset adhuc scriptum *Tertulliani*, de quæstione: Cur DEUS, qui omnia fecerat valde bona, introduci jussit in arcam, Noachi

Noachi unâ cum animalibus mundis, etiam immunda? cuius mentionem facit *B. Hieronymus* Epist. 125. ad Damasum, uti refert *Pererius* l. c. Idque eo magis, quod consultus hic *Hieronymus* istâc de materia â *Damaso*, noluerit aliquid addere. quasi materia hæc sufficienter jam à *Tertulliano* esset explicata. Enimverò, cum de ejus mente, ob defectum hujus scripti, jam non constet; nostra huc credit sententia, (quæ tamen non nostra solum est, sed aliorum quoque plurium jam nominatorum): *Obtinuisse hoc discrimen animalium, prout vel in cibum adhibebantur, vel non adhibebantur.* Et id quidem inde potissimum, quod credamus, non temerè asserendum esse: diversum esse hujus distinctionis usum ab eo, quæ deinceps cum manifestatione Legis indicabatur. Ibi scilicet munda habebantur ea, quibus vesci poterant Israëlitæ, Deo ita concedente; immunda vero ea, quæ in cibo Judæi averfarentur detestarenturque maximè. Unde & hic idem indicari tam diu credimus: donec sufficiens nobis ratio persuadeat contrarium. Illud vero ubi evictum est; facilis omnino est ad licitum eorum esum argumentatio. Videamus tamen quid nervi insit reliquorum opinionibus. Equidem adducta supra *B. Chrysostomi* verba adeò nobis non contrariantur, ut manifestè potius, quod idem noster prorsus sit, inde pateat. Nimirum extendit hoc discrimen haud obscurè eo usque, ut etiam ratione esus obtinuerit. Dum inter alia inquit: quemadmodum in nonnullis locis, quidam abstinent ab aliquibus ut immundis; alii vero illis ipsis vescuntur; ita etiam fuit tempore Noæ. Quando vero alii quandam admittunt, *περίληψιν*, tum nec hæc nobis adversatur interpretatio: tum ne admittenda quidem figura erit, ubi sine figurâ explicatio procedit. At plana erunt omnia, si nostra admittatur. Quæ verò *Bened. Pererii* est sententia; multa jam ab initio mundi in more & usu fuisse, quæ deinceps lege demum manifestatâ, constituta & confirmata fuerunt: &

illud admodum pro nobis facere potest, quod nempe hæc distinctio animalium jam olim ita obtinuerit, uti deinceps observabatur: munda sc. æstimando istæc animalia, quæ licite poterant comedi; immunda, quæ non æquè in cibum adhiberi debebant. Unde non opus erat, ut adjiceret eruditus iste Jesuita, *non quidem quantum ad esum, & deinde: non igitur distinctio mundorum & immundorum animalium, tempore Noachi fuit in usu; quantum ad cibum; sed tantummodo quantum ad ritum & usum Sacrificiorum.* Qui vero ita admittendam censent hanc distinctionem, ut ratione Sacrificiorum obtineat; illi pariter, etsi interdum contrariari nobis velint, maximè nostram partem tuentur. Dum enim *non adhibebantur in Sacrificia, nisi quæ itidem in cibis erant permissa*, (quod fufius demonstravit, præter alios Heideggerus *Exercit. cit.*); tum eo ipso tacite concedunt, carnes comedere ante diluvium, fuisse licitum: quod in Sacrificia ab iisdem adhibitas easdem afferant. Denique, qui animalia *immunda* inde ita dicta putant, quod reliqua invaserint & comederint; illi eruditam proponunt conjecturam, & cum istam non satis probent, nihil inde nostræ decedit sententiæ. *Theodoretus* quæst. 55, in Gen. inquit: DEUS animalium quædam voluit haberi immunda, quædam munda *ut immunda, eo ipso quod essent immunda, adorare perhorrescerent; munda vero, quod & ad esum hominis & ad Sacrificia mactarentur, pro Diis colere erubescerent.*

§. XXI. Præter argumenta hæctenus allata, adhibentur & alia: in quibus afferendis, ut breviores ducamus lineas, necessitas jubet. Cum & alii in iis urgendis satis fuerint prolixi. Elegans admodum argumentum est, quod desumunt *ex sacrificiis ante-diluvianorum.* Scilicet, uti certum est, viros ante diluvium jam Deo obtulisse Sacrificia; ita nec minus inde certum esse ajunt, more vetustissimo, residuas carnes fuisse comestas. Quod constat loco 1. Cor. IX. 13. Ubi apostolus non de facto loquatur, sed

sed de jure. Neque secus fieri potuisse, nisi summum simul mysterium à sacrificiis ante-diluvianorum voluerimus sejungere. Quæ inter alios prolixè deducit *Heideggerus* l. c. Equidem ubi videmus, quod *Porphyrus* in toto ferè libro II. *περὶ ἀποχῆς*, nihil aliud agat, quam ut doceat, Sacrificia causam suppeditasse necandorum animalium; itemque quod injustè & pessimè in Sacrificia offerantur animalia, (prout id jam supra ex eo ostendimus): tunc omninari facile quis poterit, & illum jam advertisse connexionem quasi quandam in eo, ut quod in sacrificium offerretur, idem & ab hominibus in cibum adhiberi possit. Quæ procul dubio quoque causa est, quod cum *Apollonius* admodum improbaret carniū esum, idem quoque agrè ferret, si oblata videret in sacrificia animantia. Quod confirmat ejus cum Babyloniorum Rege congressus, & habita cum Sacerdote quodam Ægyptio disceptatio. Nam templum ingressus, cum videret, Tauros & animalia cætera quæ sacrificiī causa ducebantur; minimè hæc laudabat, indignaque convivis Deorum asseribat. Et interroganti sacerdoti, quod talia sacrificaretur: imò potius, tu velim mihi dicas, regerebat, quid causæ sit, quare talia in Sacrificium offeras. Cumque Sacerdos diceret: quis adeo idoneus est, ut Ægyptiorum instituta valeat emendare? Quilibet sapiens, inquebat idem *Apollonius*; si modo ab Indis veniat. Pro ut hæc docet *Philostatus* in vita *Apollonii*, Lib. V. c. IX. p. m. 131. sq. Conf. & quæ Lib. I. c. XX. habet, & *Diog. Laërtius* in *Pythag.* passim. Videre est inde, quod jam illi Philosophi observarint, facilem esse à Sacrificiis animalium ad illorum esum transitum. Idque ex suprà dictis adhuc patet luculentius, quomodo stringant cæteroquin argumentum pro esu carniū ante diluvium, ex more sacrificandi defunctum. Accedit, quod vix persuadere mihi possum, talia Deo oblata ante diluvium fuisse, qualia in suos convertere cibos non licebat ante-diluvianis.

§. XXII. Multi quoque pro adstruendâ sententiâ nostrâ, ad id provocant: Plane inconveniens esse, statuere, humanum genus, per lapsum non in pejora, sed in meliora ruisse. Quale quid admittendum tamen foret, si quis pro contrariâ dicat sententiâ. Sed, cum idem argumentum jam supra attigerimus, nolumus idem hic repetere denuò. Restat autem, ut & illud tangamus, quod ex capite *gestatarum ante diluvium vestium pellicearum* urgent. Nam cum DEUS ipse primò lapsis nostris Parentibus, confectas ex pellibus vestes offerret, adeòque ostenderet, quibus se permittente uti in posterum liceret; neque tamen credibile sit, homines discerpta â cadaveribus extinctorum brutorum tegmina sibi applicuisse: tum omninò ita erit argumentandum, *Homines, ubi vestibus indigerent, animalia mactasse, illorumque pelles dein in vestes assumpsisse.* De residuâ vero carne admodum probabiliter concludere videntur, illam non abjectam; sed in eum conversam esse usum, ad quem maximè erat accommodata, scilicet in cibum. Cum vero hoc ipsum pro actuali comestione carniumpugnet maximè: tum non adeò idem urgebimus, nisi quod & omnino sequi videatur, cum ita concessa sit homini cædes animalium, ut illorum pelles adipiscatur: neque interdictum reperiamus esum carniump, eundem cædem quoque talem exercere potuisse, ubi lubitum fuerit, eorundem vesci carnibus. Unde & est, quod, qui carnem averfati fuerunt, maximè quoque recusarent, pellibus vestiri animalium. Quod ipsis consequens esse videretur, qui jus habet mactandi animalia, & pellibus eorum utendi; eum & jus habere, eadem mactare, ubi ex re visum esset, eorumque carnem in cibum adhibere. Videmus id in *Pythagora*. De hoc enim constat, quod non vestes modo ex morticinis animalibus non gestarit, uti testatur sub initium Lib. I. c. I. *Philostr.* I. c. & lib. VI. c. VI. p.m. 273. Quod totum corpus â vestibus ex materiâ morticinâ confectis intactum reservaverit. Sed non solum hæc recusabat,

bat; verum in universum omnes pelles animalibus detractas. Id ex *Jamblichō* de vita Pythagoræ *Menagius* docet, ad Pythagoram, in *Diog. Laërtio*, Sēgm. 19. p. m. 360. καὶ οὐκ ἔχοντες χερσίδας, villosis pellibus non uti Pythagoram. Scilicet ut vestimenta inde sibi confici permitteret, de quibus locutus fuerat. Potius ut in ejus vita testatur *Laërtius*, σολὴν αὐτῷ λευκὴν καθαρὰ καὶ στρώματα λευκὰ ἐξ ἐρίων. i. e. Stola ipsi erat candida, munda, & stragula candida ex lana. Quod nimirum lineorum usus nec dum ad istæc loca pervenerat. Conf. ad hæc *Laërtii* verba *Is. Casaubonus*. Adeo illi qui carnem non edebant animalium, pariter neque pellibus eorum vestiebantur: & si tum quem adverterent, qui pellibus uteretur pro vestimentis, facile concludebant, eum nec carnes averfari. Quod illis videretur parum differre, qui Jus sibi sumeret animalia mactandi, eum quoque Jus habere eadem comedendi. Neque adeo improbabilius & nos concludimus, illos qui poterant pellibus uti animalium, pariter quoque carnibus illorum Jure vesci potuisse. Si accedant præsertim ea, quæ jam sub initium hujus §. monuimus. Quando verò idem hoc ulterius exinde probare satagunt, quod metuentum omnino fuisset, ne non in tantam excresceret multitudinem animalium copia, nisi Jus habuissent ante diluvium eadem & mactandi, & mactata in suos usus convertendi, ut vix tolerari potuissent; id idem jam supra quoque tetigimus. Et adeo adhuc persuasi sumus, firmo satis niti titulo, quæ de licito carnum esu crediderunt plurimi. Prout autem facile patimur, quemque hîc suô abundare sensu: ita neque dicam scribemus secus sentientibus. At, cum hætenus ita mentem nostram exposuerimus; iuvabit tamen & aliorum audire rationes. Ut, hisce cum nostris collatis, nostra sententia eo magis explicetur. Ita tamen fiet, ut & tum cuivis integrum relinquatur, in eam inclinare sententiam, quæ ipsi visa fuerit magis probabilior.

C A P. III.

Argumentum.

(1.) *Argumenta contraria ex Genes. I. quem valorem habeant? (2.) an admitti possit, quod esus carniū humana naturæ refragetur? Et Plutarchi verba, hac de re, quantum habeant veritatis? (3.) an inde constet, illicitas fuisse carnes, quod viri ante diluvium iis abstinentes, longævi admodum fuerint; citius vero obierint, qui post istud, iisdem usi fuerunt? seu an abstinētia à carne causa fuerit Longævitatis Patriarcharum? (4.) quod negatur. (5.) an propter esum carniū vita hominum post diluvium tantò sit brevior? quod itidem negatur. (6.) aliis objectionibus occurritur.*

§. I.

Perique olim, quibus contrarium asserere placuerat, maximum suæ sententiæ & firmissimum fundamentum quærere solebant in aliquibus scripturæ dictis. Ita provocabant ad Genes. I. 29. & 30. ubi, cum DEUS de alimento, quo ad vitæ conservationem indigerent, prospicere vellet primævis hominibus; nullam prorsus mentionem faciat carnis animantium: ut sine dubio facturus erat, si eam hominibus in alimentum concedere voluisset. Deinde, cum DEUS homini ē Paradiso ejecto, noluerit potestatem dare, melioribus dapibus mensam instruendi; sed contra in admisssi peccati pœnam, difficilem ipsi victus rationem esse voluerit: tum divinum Numen terram, quæ omnia ante sponte fuisset productura, ita maledictioni subiecerit, ut non nisi cum sudore vultus, victus ex eâdem proveniret. Quod doceat Gen. III. 17. sq. Illud vero nequicquam de concessæ in bruta potestatis augmento testari.

Sed

Sed cum ipse, qui noviter idem defendere voluit, fassus sit, non sufficientem esse probationem, quæ ex tribus primis Geneseos capitibus desumatur: quod videret forsitan motis ex hisce capitibus dubiis dudum ita esse satisfactum, ut temerarium fuisset denuo ad istæ recurrere. Hinc, quamvis & nos potuissemus prolixè in hisce locis vindicandis versari; minimè id necessum esse putamus. Quod proprio illius consensu, qui contrarium urget, nihil in istis pro adversâ sententiâ sit subsidii.

§. II. Id vero, quod primi homines carne abstinuerint, adeo certum evictumque Ipsi est, ut credat: neminem in dubium hoc vocaturum, qui rationes probe ponderare novit. Quamvis autem hætenus non pro actuali carniæ esu pugnaverimus, ut videri possit, hæc admitti posse, salvâ nostrâ thesi: additæ tamen rationes ejusmodi sunt indolis, ut si istæ fuerint admittæ, nostra sententia hætenus defensa multum videri possit infirmior. Ita enim certum esse, inquit: *carniæ esum humanæ omnino naturæ refragari.* Ad quod probandum, *Plutarchi* verba in subsidium vocat, quem *Orat. I. de esu carniæ* p. 994. sqq. ita differentem adducit: *Non à natura hominem hoc habere, ut carnes edat, primum ipsa corporis humani demonstrat constitutio. Non oris uncus, non unguis acumen adest, non dentium asperitas, non ventris robur, non calor spiritus, quo subigere & mutare possit carneam molem. Sed jam tum ipsa dentium levitate, oris exiguitate, lingue mollietie & spiritus ad concoctionem imbecillitate, esum carniæ ejurat. Quod si contendis, te natum esse ad hoc cibi genus sumendum. Primum quod vis edere, ipse interfice; idque tuâ solius operâ, non secespitâ utens, non malleo, non securi. Sed, sicut lupi, ursi, & leones ipsi necant, quæ vorare volunt; ita tu morsu bovem, aut ore suam neca, ovemque aut leporem irruens, in vivum etiamnum diripe, sicut istæ ferae. Sin exspectas dum moriatur, vererisque præsentem animam è carne expellere; cur contra naturam edis id, quod animâ est præditum? Imo nemo animâ cassum & mortuum animal*

ita edit, sicut est. Elixant, assant, ignis & condimentorum ope mutant, eodemque innumeris medicamentis amoliantur, ut gustus deceptus alienum alimentum admittat. Hactenus verba Plutarchi. Quando adeo, qui hæc pro contrariâ sententia dixerat, se hæc propriis ipsius Plutarchi verbis confirmaturum præmiserat; tum facile quis in eam incidere posset opinionem, ac si ea quæ à Plutarcho prolata sunt, talia tantique momenti essent, ut nemo contrarium asserere amplius auderet. Certè magni debere æstimari Plutarchum, pro certo nobis est: & recte pronunciaſſe Dan. Morhofum, Tom. II. Polyhist. lib. I. c. 7. §. 7. p. 35. ipsius industriâ multa nobis conservata esse, in illis quoque, quorum alias non superesset memoria. Sed ut in præſenti ipſi aſſentiamur, non neceſſum nobis videtur: quamvis duabus de carniū eſu orationibus nihil agat aliud, quam ut eum licitum eſſe, inficias eat. Cujus vero argumenta ejus momenti ſint, conſtabit; ſi, uti ex ungue Leonem, quod ajunt, ita ex illis quæ ſub initium orationis primæ habet, cognoscamus, qualia ſint, quæ pro negatione eſus carniū aſſert plura. Nam cum de iis, qui primo carnes comedere aggreſſi ſunt, p. 993. dicat, quod omnem fortasſe culpam in inopiam conjecerint; tum eos de ſui ævi temporibus introducit loquentes, Beata iſta prædicando, quod omnium rerum abundantia florerent, quibus homines potiri ac luxuriari poſſent absque ulla pollutione. Se contra infelices æſtimando, utpote ἐῖς πῶλιν καὶ ἀμύχανον ἐκπεσούσας ὑπὸ τῆς πείνης γενέσθαι δυνάμεις, i. e. in magnam & difficilem primi ortus inopiam incidentes. Ubi nondum Sol ſuo loco fixus hæſerat, nondum certum curſum conficiebat, nondum ortus occaſusque ejus definitis diſtinguebatur limitibus: ubi terra fluminum incompoſitis eluviis vaſtata erat, multa ob paludes informia, cœnō altō, ſaltibus infrugiferis & ſylvis erant inculta. Imò ad produ-cendos mites fructus nullum ſuppeteſbat instrumentum, nulla ſapientiæ machina. Unde nec mirum, ſi animalium carni-

carnibus usi fuerint præter naturam. Hæc & talia sunt pleraque *Plutarchi* in duabus his orationibus. Quæ sua sponte concidunt, & quæ adduxisse sufficit, ad indicandam eorum futilitatem. Et plura forsitan ejusdem commatis superessent; ni pars aliqua posterioris orationis interiisset. Sed ut jam videamus, quæ ex eodem adversus nos producuntur; notabimus, quæ illis vis infit, pro stabiliendâ sententiâ contrariâ. Ubi quidem *primò* notamus, *Plutarchum* nequicquam respectum habuisse ullum distinctionis temporum ante diluvianorum & post-diluvianorum; sed in genere omnem carniûm esum tanquam naturæ humanæ adversum, & consequenter omnino illicitum, ostendere voluisse. Jam verò cum ipsi, qui cæteroquin adversam nobis sententiam defendunt, concedant, jam post diluvium licitum carniûm esum; nescio quid pro ipsis facere debeat *Plutarchus*? Aut enim per hæc *Plutarchi* verba admittendum esset, quod nec ante diluvium licuerit, nec hodie post illud liceat carnibus uti: aut nihil prorsus valebit hæc argumentatio. Jam, cum alterum ipsi negent, qui contrariantur nobis; nescio, quomodo hæc *Plutarchi* verba pro suâ urgeant sententiâ. Quamvis vero *secundò* *Plutarchum* probare velle, quod esus carniûm non quadret cum naturâ hominis, concedendum sit; potius tamen annititur, eorum sententiam destruere, qui ajunt: *naturam humanam necessario requirere talem carniûm esum*. Quale quid nec nos asseruimus hætenus. Quod vero hic sit ejus scopus, hæc mens, hæc intentio; satis inde patet, quod, cum plura præmisisset, hanc deinceps formet occupationem: esse scilicet quosdam, qui dicant: ἀρχὴν ἔχειν τὴν φύσιν, à naturâ esse initium, sc. esus carniûm. Quibus dein opponit, quæ allata ante sunt. Et patet idem amplius exinde, quod subjungat: εἰ δὲ λέγεις, πεφυένον σεαυτὸν ὅτι τοιαύτην ἐδωδὴν; i. e. si verò dicis, te ipsum natum esse ad illud cibi genus &c. Quid quod *tertiò* facile esset, *Plutarchum* cum se ipso collidere, & monstrare, non satis

sibi ipsum constare in hoc argumento. In nostro enim loco admodum urget, pugnare esum carniū cum natura humana: sed paulo ante p. 994. idem dixerat, nolle se hac adeo urgere; sed injuriam tantum semotam cupere. *Ἰνα* inquit, *Φάγης, ἀπὸνίσσον.* *Ἰνα δὲ ἡδίων Φάγης, μὴ ἀνδρείας*: i. e. *Interfice, ut cibum habeas; noli interficere, ut suavius edas.* Quod idem etiam concedere videtur sub initium Orationis posterioris, ubi p. 996. ait: *ἐδῶμεθα σάρκας, ἀλλὰ πεινῶντες, ὅ τευ φῶντες ἀναγκάσωμεν ζῶον, ἀλλ' οὐκ ἐργονίτες καὶ ἀλγῶντες, ὅχ' ὑβρίζοντες ὅδὲ βασανίζοντες.* i. e. *Edamus carnes; sed esurientes, non luxuriā impulsī: occidamus animal, sed miserantes & dolentes; non insultantes & excruciantes.* Denique quarto quamvis jam satis constare puto ex dictis, nec quicquam hac facere ad probandum, quasi non licuerit ante diluvium carnes comedere: tamen brevibus indicabo etiam, nec humanæ naturæ unquam contrariari, *carnibus vesci.* Quicquid enim Plutarchus crepet, prostant tamen permissiones divinæ sat perspicuæ de hoc carniū esu, & exempla virorum maximè proborum: ut non liceat adeo admittere, quasi humanæ naturæ contrariaretur, iisdem vesci. Quomodo enim DEUS concederet Sanctissimus, ut id absque crimine agerent mortales, quod convenienter agere non possunt? Quæ vero Plutarchus de hominum constitutione subjungit, quasi hæc talia non admittat; nullius sunt momenti. Etenim & experientia docet, & medicorum Filii asserunt, & aptum satis esse hominem ad hunc carniū esum: nec tam destruendæ, quam conservandæ hominum valetudini hunc admodum inservire. Quod vero homines non æquè ac bruta carnivora, in viscera brutorum non coctorum faviant; neque id evincit, cum natura hominum hæc pugnare. Concescit enim divina benignitas humano generi ea sufficienter, quæ conducunt, ut caro ad cibum reddatur aptior. Quid quod Dominus Puffendorff. lib. IV. cap. 3. §. 4. de J. N. & G. adducat, ex Rochefort in descriptione Antillarum part. I. c. 18. & part. II. c. II. accolæ freti

freti Davis, crudis quoque carnibus ac piscibus delectari. Non autem opus videtur esse, ut proluxiores hîc simus. Cum jam satis constet, hæc Plutarchi verba nil quicquam probare ea, quæ erant probanda.

§. III. Dein, quamvis qui pro sententiâ pugnat, contraria, concedat, *Esu carnium usu venisse non demum post diluvium*; sed jam ante istud, a Cainitis carnes fuisse usurpatas: qui adeo & Sethitas tandem ad istum simul morem incitarint. Eos tamen pessimè omnino sibi consuluisse credit, quod *carne utentibus non tam longa contingeret vita*, quam qui contenti vivunt fructibus ex terra prodeuntibus. Adeoque non licitas fuisse carnes. probat ex eo, quod viri ante diluvium, qui iis abstinerint, ad feros annos vitam pottraxerint: citius obeuntibus illis, quibus dein volupe erat, carnibus vesci. Idem vero & aliis, jam ante ipsum, placuisse video, quod abstinentia à carnium esu multum conducat vitæ prolongandæ; *Curcellæo* sc. lib. 2. l. c. Ita Zenonem Cittizum nonagesimum octavum annum implevisse: Paulum Eremitam centesimum decimum, tertium: & Essenorum plurimos, (teste *Josepho* de bello Judaico lib. 2. c. 12.) centesimum ætatis annum excessisse. Enimverò, id facile concesserim, Cainitas non modo, sed & Sethitas carnes olim comedisse: sed quod id non jure fecerint, & pessimè inde sibi consuluerint, hoc est, quod non omnino approbamus. Nec ratio, quæ subjungitur, idem videtur evincere: quasi scilicet divinum Numen, ut de sua tantò firmiter constaret voluntate, vitam iis concesserit longiorem, qui carnibus abstinerent, breviorē vero, qui iis vescerentur. Ubi id quidem omnino verum esse credo, homines istos primævos ad grandem ætatem pervenisse. Ut rectè Jacobus exclamaverit, jam centum & triginta annos natus, *paucos & malos esse dies vitæ annorum suorum, neque attingere dies vitæ Patrum suorum*, Genes. XLVII. 9 Illud enim oppidò quam falsum est, per annos ipsos Lunares intelligi debere

debere : seu tales , qui paululum excederent menstruos, ita, ut deni ex illis, unum annum solarem confecerint. In quâ sententiâ tamen jam *B. Augustini* ætate aliquos fuisse, haud obscure ex lib. ejus XV. cap. 12. sq. de Civitate DEI colligitur. Cum non videamus ullam rationem, quæ nos urgeat, ut à recepta annorum numeratione recedamus. Præsertim, cum & mensium fiat mentio, scilicet secundi, septimi, decimi &c. mensis, cap. VIII. Genes. ubi etiam mentio fit diei decimi septimi mensis septimi, vers. 4. & vigesimi septimi mensis secundi. Quæ omnia evincunt, non posse intelligi annum aliquem menstruum. Cum in unius mensis istius anni recensione, mentio fiat diei vigesimi septimi. Quin imò sequeretur cæteroquin, quosdam ex iis, qui ante diluvium vixerunt, annos vix septem natos, liberos genuisse. Ita de Mahalaële, cujus Genes. V. 5. mentio fit, cum Jaredum anno sexagesimo quinto generasset, sequeretur, quod juxta istum annorum computum, nondum Septenarius generasset. Quale quid etiam de Henôcho esset concedendum. Neque hic admittenda sunt, quæ habet LXX. Interpretum versio : quæ aliquibus, ne hoc concedere opus esset absonum, adjecit centum annos, ubi mentio de iis fit, quod liberos generarint. Quod jam l. c. notaverat *Augustinus*, & post eum, plures alii. Id quidem adeo indubium est, viros ante diluvianos grandem consecutos fuisse ætatem. An vero id ipsis obtigerit, quod in abstinentiâ a carnibus cauti fuerint; id non facile admittendum esse puto. Curiosi cæteroquin sunt, in causas inquirendo longævitatæ Patriarcharum. Plerasque, quæ cæteroquin afferri solent, sententias congescit in suis ad Genesin Comment. *Perrerus*, lib. VII. Disp. de longitudine vitæ priscorum hominum ante diluvium, Quæst. III. p. m. 249. Septem nimirum causas recenset ex pluribus. Non injucundum forte erit, brevius contractas easdem apponere. *Prima* ipsi est *bonitas constitutionis* : quod natura recens à DEO facta, integra

tegra esset, firma ad se ipsam conservandum, fortis ad resistendum rebus contrariis: nec dum tot morbis fracta & vitiata. Altera ipsi est *sobrietas & continentia* in victu & potu. Varietatem enim, mixturam, & condimenta ciborum vitam debilitare, & minuere. Tertia causa ipsi est, *alimentorum praestantia*: ob eximiam bonitatem & feracitatem terræ ante diluvium, post quod terrâ nascentia multo sint imbecilliora & deteriora facta: cujus rei argumentum sit concessio carniū in esum à DEO facta homini post diluvium. Quarta cognitio & solertia rerum, quæ facultatem haberent conservandi & producendi vitam humanam. Quinta ipsi est *siderum influentia*. Sexta, ut per longævitatē illorum hominum multiplicaretur tanto amplius humanum genus, quod in exordio mundi erat necessarium. Septima ipsi causa est, ut homines diu viventes possent reperire artes & scientias, ad necessitates & utilitates vitæ humanæ, & ad perfectionem intellectus humani plurimum conferentes: quæ tamen non nisi longissimi temporis experimentis & observationibus reperiri possint. Non opus est omnes hîc recensitas causas sub incudem revocare, quantopere vel veræ sint vel falsæ. Alteram saltem & Tertiam nunc inquiremus, ad nostrum hunc scopum maximè facientes. Scilicet altera causa prolongatæ Patriarcharum vitæ, Pererio est *sobrietas & continentia in victu & potu*. Quamvis autem negari non possit, eos qui sobriè & temperanter vivunt, suæ vitæ non parum consulere: tamen, quod eadem efficere possit, ut homines per aliquot secula vitam ulterius protrahant, id est de quo experientia contrarium testatur in hominibus maximè temperanter viventibus. Quin imo cum nec ante diluvium omnes æquè temperanter vixisse, sed multos suo quoque genio tum indulgisse, sit credibile, qui nihilominus tamen idem ætatis fastigium ascenderunt; facile patet, Temperantiam non esse veram aliquam causam tantæ Patriarcharum longævitatæ. Quod verò Tertiam causam atti-

attinet, quam adducit, scilicet præstantiam alimentorum ob
eximiam bonitatem & feracitatem terræ ante diluvium; post
quod Terra multo facta fuerit deterior: unde & DEUS
post diluvium concesserit humano generi carnem, ut eâ
vesceretur. Tum hæc ultimatò idem innuere videtur.,
quod ea, de qua jam diximus ante; scilicet, quasi homi-
nes, ante diluvium natis è terrâ frugibus contenti, & carni-
bus abstinentes, vitam inde suam tam diu protraxerint:
dum præsertim accesserit eximia istorum alimentorum præ-
stantia. Quæ tamen vera causa esse nequit. Cum jam post
lapsum statim in pejus abierit terræ conditio: non tum de-
mum, ubi exuberantibus diluvii aquis, falsedine istarum
aquarum fuerit inquinata magis reddita. Coincidit adeo
cum his à Pererio allegatis causis ferè ea, quam adducit qui
nostræ adversatur sententiæ: quod abstinentia à victu car-
nium, in causa fuerit prolongatæ ante-diluvianorum
vitæ.

§. IV. Neque vero credibile est, solam hanc à
carne abstinentiam, efficere potuisse, ut tot Secula vitæ
superaddat homo. Cum inter illos, qui sollicitè postea car-
nes averfabantur, nemo ultra communem vitæ terminum
vitam extenderit. *Pythagoram* hîc denuo allegasse juva-
bit: qui, quamvis in abstinendo à carnibus facile primus
sit, non tamen ultra nonagesimum ætatis annum vixit: ut
multi asserunt. Quin juxta *Heraclidem Serapionis filium*, octo-
gesimo ætatis anno mortuus est: referente *Laërtio* in *Pythag.*
segm. 44. Ita ejus simia, ut vulgò audit, *Apollonius* juxta
plurimos, vix octogesimum annum egressus est vitæ: *Phi-*
lostratus in ejus vita, Lib. IIX. c. XII. p. m. 428. Quin, etiamsi
aliqui circa centesimum annum exspirarint, idem argumen-
to est, solam hanc à carne abstinentiam non posse esse cau-
sam tantæ ante-diluvianorum longævitatatis. Imo, quod de
Zenone Cittiao adducitur, eum anno nonagesimo secundo
obiisse, id non adeò certum est. Etsi enim aliqui id refe-
rant,

rant; ex *Perseo* tamen adducit *Diog. Laërtius*, quod septuaginta duos annos natus, è vitâ migraverit. Quamvis hæc ipse haud facile approbare possim. Cum in *Epistola ad Regem Antigonum* missa, de senectute sua conqueratur, quo d jam esset octogenarius. Utut autem hæc cum reliquis ita se habeant: nihil tamen, ut ex jam dictis patet, faciunt pro stabiliendâ sententiâ contraria. ideo præsertim, quod de Cainitis ipse concedat qui nobis adversus est, eos carnes comedisse. Jam vero, si esus carniū vitam redderet tanto breviorē, illi sane citius debuissent occumbere: at de istis longè nos aliter sumus persuasi. Unde sua sponte sequitur, non posse culpam carnī tribui, quod vita hominum non ulterius extendatur: nec causam longævitatē poni in solâ a carnibus abstinentiâ. Et fuerunt profectò causæ longè diversæ: quas videre licet apud eos pluribus, qui de *Longevitate Patriarcharum* ante diluvium scripserunt.

§. V. Prout autem qui hîc nobis contrariam alit sententiam, abstinentiæ a cibo carniū tribuit prolongatam ante-diluvianorum vitam: ita idem istud adhuc inde confirmari posse putat, *quod homines post diluvium*, ubi dentes in carnes animalium stringerent, *citius obierint*. Quasi vero ex jure quodam talionis illis conveniat, qui filum vitæ animalibus abrumpunt, ut iterum citius pereant, & ante quam experturi mortem fuissent, si carnibus abstinuissent. Equidem qui in causas abbreviatæ hominum vitæ inquirent, varias easque diversas recensent. Quas inter facile eminet, quod cum ante diluvianis hominibus vita contigerit longior, qua promissio in Paradiso facta penitus cognosci, & liberis tanto certius contra quasvis Satanæ machinationes constare posset: accipientibus eam ab isto ipso, qui αὐτῆς & αὐτοπῆς fuerat, aut ab ipsis, qui eum loquentem audiverant. Nec opus fuerit tantâ longævitate: cum, istâc in animis hominum corroboratâ, mysterium hoc fidei breviori vitæ spatîo comprehendî & cognosci poterit.

tuerit. Accedit, quod elegans tum emerferit oralis traditionis subsidium, ubi istas saniores doctrinas, literis mandare & posteris tradere didicerant: quale urget etiam sæpe, iam citatus *Heideggerus*, l. c. *de Longævitate Patriarcharum*. Ast quod usus carniū causa quædam vera sit, id non temerè asserendum puto. Nam ut ex dictis patet, causæ prostant aliæ, eæque graviore. Dein itidem jam ex dictis constat, Cainitas quoque carnibus fuisse usos: de quibus tamen certum est, quod æquè longam vitam egerint, quam Sethitæ. Accedit, quod & post diluvium aliqui ad seram ætatem pervenerint, de quibus probari non potest, quod carnibus abstinerint. Et quod nec illi, ut jam diximus, vitam ad ætatem ante diluvianorum produxerint, qui nihil maiori curâ egerunt, quam ut carnes averfarentur inaximè. Videmus adeò argumentum ex Longævitate ante-diluvianorum, & brevi eorum vita, qui post diluvium floruerunt, nihil omnino probare. Sive quis inde concludere velit, illos abstinuisse ab esu carniū, & hos contra easdem adhibuisse in cibum: sive quis exinde defendere annitatur, non jure carnibus uti potuisse homines. quod DEUS velit tanto citius occumbere, quanto minus sibi religioni ducant, fercula carniū appetere. Cum præsertim vix ullus unquam negaverit, concessisse divinum Numen post diluvium carniū esum. Ut irrefragabile adeò Jus sit mortaliū, post diluvium carnes comedere: nec adeo dici possit, vindictam diminutæ vitæ in eos cadere, qui ab iisdem abstinerere noluerint. Quando vero ulterius additur ex parte contrariâ, *carnem putredini & fermentationi admodum inservire*, ut chilus inde & constitutio corporis corrumpatur. Tum hanc rem medicis & physicis relinquere facile possumus. quod stabilitam jam satis credamus nostram, de licito ante diluvium carniū esu, thesin. Attamen illud ex *Galeno* adducit, *Gerh. Job. Vossius* de Theol. Gentili lib. III. cap. LXV. p. m. 1075. quod *caro imprimis suilla admodum nutriat & corroboret.*

Et ex *Artemidoro* lib. I. c. LXXII. ἀρσεν πᾶσι τὰ χοίρεα. καὶ γὰρ εἶνός. Ζῶν μὲν γὰρ χοῖρος ἔσθ' εὐχρηστός ἀνθρώποις, νεκρῶν δὲ, μάλλον ἐδώκεται τῶν ἄλλων. i. c. optime omnibus sunt carnes porcinae: atque id verisimiliter. Porcus enim vivus, hominibus nullius est utilitatis: mortuus vero magis aliis esui est idoneus. Notabile præterea est, quod acta eruditorum hujus anni 1709. mense aprili pag. 160. referant ex *Dn. de Fontenelle* Histoire du renouvellement de l' Academie Royale des Sciences. Scilicet *Dionysium Dodactum*, ut propriò disceret experimentò, quantum per transpirationem, in Medicorum decantatam scholis, humano corpori decederet, a. 1677. initio solennis Jejunii quadragesimalis, 116. librarum uniusque unciae pondo semet deprehendisse adæquare. Cumque deinde nonnisi leguminibus vesceretur, & præter aquam & panem, ad victum nihil adhiberet; sub ipsum Paschatis festum, ad libras 107. & 12. uncias se decrevisse intellexisse: amisâ intra dies quadraginta & sex, decimâ quartâ substantiæ suæ parte. Sed audiamus etiam *Pererium* l. c. p. 369. ubi, cum recensuisset eorum opinionem, qui censent, plantas esse melioris & utilioris alimenti, quam carnes; eam falsam esse, inquit. Quod contrarium suadeat ratio, experientia, & exempla. Ratio inquit, docet, unumquodque rebus maximè similibus ali. Siquidem alimentum in id, quod alitur, commutari debet. Inter similia verò facilior est transmutatio. Concoctione alimenti etiam id agitur, ut tandem efficiatur alimentum ei, quod ali debet, quam simillimum. Carnes autem animalium similiores sunt humano corpori, quam natura plantarum. Deinde optimum est alimentum, quod temperatè calidum & humidum est. Quale suppeditant carnes pleræque; nequaquam vero plantæ. Verum esse addit, quod dicitur: Quod sapit, nutrit. Carnes autem melioris esse saporis, neminem negare. Insuper plenius, salubrius, ac solidius alimentum suppeditare carnes, quam plantas. Quod agrotorum exemplo constet: quibus ut

*conceduntur carnes, ita fructus & olera vetantur. Quæ omnia
fufius deducit l. c. Pererius.*

§. VI. Unde, etfi concederem, homines ante dilu-
vium ordinarie non in cibum adhibuiffe carnes. Tum quod
simpliciori victu delectarentur: tum quod magis paratus
ad efum proftaret cibus. Nihil tamen impedit, quo minus
jus illorum perftet integrum: ut, ubicunque libuerit, co-
medere carnes potuerint. Quin facit ad hoc illuftrandum
potius, quam ut nobis obfit. Saturni temporibus, ætate
nimirum iftâc aureâ, non comestas fuiſſe carnes, juxta Gen-
tilium effatum. Ut adeò nec temporibus Noachi ftatim jus
fuum, quod in animalia mortales habebant, exercuerint.
Saturnum enim Gentilium, eſſe Noachum noſtrum, ad
oculum demonſtravit *Sam. Bochartus*, in *Geographia Sacra*
l. I. c. I. Denique quod de populis barbaris additur, eos
potius, qui primæ ſimplicitati ſtudent, lacte & terræ frugi-
bus uti, quam ut carnibus delectentur. Id non adeò uni-
verſale eſt, ut non interdum etiam deprehendatur contra-
rium. Et quamvis id ſemper contingeret; culpa tamen
non tam in defectum Juris, quam in exercitii defe-
fectum, aut fortè in ignorantiam juris eſſet
conjicienda

TANTUM!



DOCTISSIME SCHARBAVI,
AMICE PERDILECTE,



A fuit haecenus ratio studiorum & vitae tuae, quam sectaris, dum in ædibus meis & convictu versatus es; ut sine fructibus exoptatis esse nequeat. Nam & prudenter, quæ ad scopum tuum pertinent, elegisti, & cum laudabili constantia prosequeris sacratissimas literas, non ad futuras temporales necessitates, sed ad soliditatem, fundamentumque promovendæ gloriæ Dei: assiduus es legendo, auscultando, notando, colligendo, commentando, reliquisque officiis, quæ futurum Ecclesiæ ministerium præparant, ornant & complent, & inter hæc eâ pietate, & modestia cuncta agis, ut, quoties vel cathedram academicam, vel ecclesiasticam conscendis, admirentur, qui Te audiunt, reputantes, e quam pio & placido animo se prodant thesauri rectæ & eruditæ mentis. Quamobrem etiam tantò lubentius Tibi gratulor de præsentis specimine eximio, novo commendationis meæ fulcramento, faxit Benignissimum Numen, ut & hoc, & quæ secutura sunt deinceps, in gloriam suam vergant; Teque indies magis magisque ornet, præparet, doceat, illuminet & sanctificet, ut Ecclesiæ Patriæ, quam divina Benignitas porro tueri velit & omni genere bonorum spiritualium clementissimè beare, aliquando & doctrina & exemplo prodesse queas, de quo uti non dubito, ita TU Ipse, divina allucente gratia conniteris, ut spem radicatam expleas. Dedi è musæo

TUI

amantissimus

Michael Förtsch, Theol. D.
Prof. Primarius.

VIRO

HENRICO SCHARBAU,

Philosophiæ Candidato dignissimo

PRÆSES.



Verissimè quidem è Coccejo adducis, Judæos, *נעשו פאגיאן* Adamo minimè concessam fuisse, statuere. Cave tamen credas, id ipsum vel communi omnium approbari suffragio; vel sine formidine oppositi unquam esse allatum. Non est sententia totius Senatus; sed privatorum (a). Nec Rabbi Jehuda eam proposuit, Palæstinam incolens: sive filium R. Illaai intellexeris, quem, si sine restrictione per Patrem factâ exprimitur, indigitare solent (b); sive istum, qui *sanctus* cognominabatur aut Princeps. Verum Rab Jehuda Pumbeditanus, R. Ezechielis filius, ac Samuelis Babylonii discipulus (c). Qui id nequaquam de sua aut Præceptoris proposuit sententia; sed ex mente Rab, magistro ejus Samueli ubivis ferme contradicentis. Ut adeò dubium sit, utrum ipse Rab Juda opinioni huic assensum præbuerit; an verò ut problema saltem promulgarit, altercandi oblaturus occasionem. Non deerant quippe illico, qui pro esu carnis Adamo concesso urgerent Dominium, eidem in Pisces atque Aves divinitus delatum (d): quod certe

(a) in Cod. Sanhedrin f. 59. b. adscribitur Rab Jude: in Breschith rabba, Sect. 34. f. 38. c. 2. circa fin. R. Jose, qui id nomine R. Johannis vulgarit.

(b) Juchasin f. 60. a. יהודה בר עילעי הוא ר' יהודה סתם.

(c) Vid. Kidduschin f. 70. a. l. 21. sqq. f. 72. b. l. 1. sq. coll. Halichoth Olam p. 24.

(d) Cod. Sanhedr. l. c.

carte aliam ei non contulerit utilitatem, quàm ut iisdem
uteretur in cibum. Utut enim non desint ibi, qui tam
pisces quàm aves, *homini ad operam conficiendam*, subjectos di-
cant: risu tamen potius videntur excipiendi, quàm consen-
su. Cum Rabba f. Rab Hunnæ *anseris* atque *gallinas* plo-
stello jungens introducatur, *ad trituranum* (e): & alius
curru trahendo *capram* alligarit, & piscem שִׁבּוּט Schib-
bura (f), thynnum quibusdam dictum; qui ad ripam na-
tando, capræ in littore incedentis gressus æquarit. Ipsa
Talmudistarum verba, Epitimatori forte non satis intelle-
cta, afferrem; si vel hic locus caperet, vel Ipse argumen-
tum hoc, à *Dominio in animantes*, omisisses. Nec prorsus ni-
hil confirmandæ Tuæ sententiæ confert admirandus ille in
creaturis producendis ordo, à Creatore adhibitus pruden-
tissimo. Nihil legitur hic condidisse, quod non cibum,
quo conservaretur, inveniret præparatum. Aves femina
offendebant, quæ legerent; ut pisces, quas roderent. radi-
ces: aërem & aquam utrique, Solis radiis jam purificata.
Cum *bestie* crearentur, jam undique herbæ atque gramina
in terræ virescebant superficie: in quibus illæ lætæ pasce-
bant, simul ac in lucem prodierant. Nec bestie hominem
suo antecederent ortu, nisi mensam præbere debuerint con-
vivæ mox secuturo satis instructam. Agnoverunt id Gen-
tiles, Scripturam S. ignorantes. Τὰ Φύλα τῶν ζώων ἐνεκα
εἶναι, καὶ τὰ ἄλλα ζῶα τῶν ἀνθρώπων χάρειν, rectè asserit Phi-
losophus (g). At plura hujus generis argumenta in tra-
ctatione ipsa urges pressius. In quâ simul diluis, quæ
à *vita hominum nunc abbreviatâ* afferri solent in contrarium.
Non

(e) Cod. Bava mezia c. VII. f. 91. b. l. 17.

(f) Vid. Cod. Bava Kamma, c. V. fin. f. 55. a. l. 24.

(g) Aristotel. de Republ. lib. i. c. 8. post med. p. m.

Non esus carnum hanc induxit varietatem: sed sapiens Conditoris providentia. Qui jam olim prævidit, tantam hominum futuram deinceps multitudinem, ut continuis exponerentur periculis, nisi antecessores citius spatium concederent successoribus. Ne nunc quidem illi ab his semper satis tuti sunt; quantumvis nondum sexagesimum ætatis annum attigerint. Quid non auderent, si plures viderent annos superare nongentos! Sed non hoc saltem, verum & reliqua speciem veritatis præ se ferentia, tibi que adversa, antecessorum ope adjutus, doctè declinas: & hâc Tua ætate juvenili, in quæstione hâc ancipiti, abundè testaris, indole Te donatum, ad res sublimiores tractandas satis aptâ. Experiebar id ipsum, cum ante duos abhinc annos primum mihi innotesceres. Haud diu enim cum aliis ejusdem signa tuebaris militiæ, cum brevi manifestis deprehenderim experimentis, Te minimè contentum esse, quotidiana cujusque explere officia: sed plus ultra tendere, & ad sublimiora penetranda applicuisse animum. In quo proposito perrexisti hucusque gnaviter. Nec quicquam superest, nisi ut Deus benignissimus sanitatem, animique constantiam; Mecænates verò favorem & emergendi occasionem adspicerent benignam. Quod ut largiter in Te effundatur, animus apprecor. Dabam calamo ut nosti, accelerato,
d. 10. Septembr. A. C. M DCC IX.

